



孫子長詩序

文

孫子長詩序

孫子長詩序

孫子長詩序

余嘗論子長之爲人蓋有三變少壯而蜚華挾藻若發穎豎英英俊人也長而規言矩行金聲玉色溫溫恭人也晚而挂冠解組隱居教

授生徒負牆講論重席番番老成  
人也井邑遷改人世交變世變則  
風毛雨血蜺背杓流而子長自如  
人變則睂橫目豎石浮木沈而子  
長亦自如橫經籍書易衣并公名

行日以修著述日以富一日卷其  
所作謁余而請曰祚也夙侍函丈  
今老矣惟夫子賜之一言庶以論  
其人表其志余聞之詩曰有匪君  
子如金如錫如圭如璧夫圭璧之

錢序二  
爲器古之帝王用以祀天禮地羞  
王公而鎮社稷詩人之言金錫蓋  
趣舉之而豈以是爲等夷也哉世  
衰道降灌薦覲聘之禮不作圭璧  
之用不能比於金錫而世之識玉

者亦寡矣余觀子長殆衛風所誦  
圭璧之君子作爲聲詩乎尹旁達  
劔璣鍼秘錯落其間時命晦蒙不  
獲與大璜琬琰陳列明堂東西序  
之間而子長恥於自衒不欲泣血

錢氏三  
以相明斯世之識玉者寡不徒無  
憾亦竊以自幸焉咎者王子朝之  
寶珪得者將賣之則爲石鄭人取  
周府之玉則化而爲蜮且射人甚  
矣玉之難免於亂世也化而爲石

又化而射人而後乃懂而得全天  
之鍾美於是而愛惜之闕護之若  
此其至也由此觀之子長之圭璧  
居今之世而琅然於砒砒砂礫之  
中久而彌瑩夫豈偶然也哉子長

錢序  
被褐懷玉不自矜重余以崑山抵  
鵲之人幸得攫攘其旁探子長之  
意以余猶爲能識玉者故不辭而  
爲之序於以論其人而表其志且  
告於世之爲石爲蜮者也歲在庚

子中秋江邨老友蒙叟錢謙益序



順治十七年冬梓行

雪屋二集卷目

第一卷

虞山城樓春眺

癸酉

花信風

春寒

家庶明湖田別業

飲野田

綠萼梅

明妃

題張叔維畫卷

四首

遊靈谷登寶公浮屠

句曲早行

對酒

冬日

寄北征友

塞上曲

四首

訪程孟陽拂水山莊 甲戌 春夜譚扶風齋

登縹緲峰落舟復泛月石公坡

春夜步至破龍山房 山中出蛟

春暮山房雜詠 十二首 過北山王子任故居

破龍礪觀泉 五丈石觀泉

夏日登北固 登焦山絕頂

題京口石磯 病熱口占

病中 病餘

小除夕雨飲綻香閣 元旦 乙亥

春片復過山齋 山齋枕上

清明題寓 張公亮過虞山有贈

送魏仲雪學憲之粵 夏日山齋

哭兄蕃甫疊夏日韻 應詔

呈雲間司李李寶弓房師 四首

北征次京口 丙子 姑蘇逢劉無彊沈繼明

呈張二無先生 金山杏花下作

舟過高郵 泊古城謁三義廟

舟次宿遷 伽河飲陳大士舟次



雪屋二集 卷四  
與周伯玉從陸赴京

東平道中

郝山述所見

滕縣道中

鄧州道中

瓦橋關

題三家店壁

題京師寓 二首

候試

廷對

同馮仲先遊龍華淨業金剛諸寺 二首

與馮仲先朱以發南下 舟中值兄蕃甫忌辰

偕朱以發登光嶽樓 夜泊邗關 二首

濟江 畱都贈周午陽卜隱

秦淮輓嚴子建 四首

鄧尉看梅 丁丑

送錢宗伯暨瞿給諫赴京廷辯 四首

水村 時伯和齋牡丹

經嚴子建墓 訪陳季采陸布公石梅

趙景之及第寄贈 二首 送蔣晚仙之任南海

雜興 時旭如齋虞美人草

寡鵠歌贈袁重其節母 七夕集姜神超玉照堂

過嚴刺史湖莊 四首 詠朱鸚爲家光甫 二首

長至許文玉新樓晚眺 冬日慈視菴 五首

第二卷

春日掩關南村草堂 六首 戊寅 虞美人花

舟次西巖 南園呈陳益吾中丞

與盛躬約繆令胤諸子暨履兒坐月 五首

夏日池上 履兒采芹示之

晚泊釣渚 錫山候牧師稼翁北歸

悼履兒 再哭亡兒履德

春朝趙景之太史為余作異夢賦謝 己卯

趙太史劾楊武陵奪情左遷賦贈

上元友人席 馮已蒼炷香洛伽

江上送徐元脩葬 萬峰禪院與剖公夜談

舟次鄧尉 遊鄧尉

送別新安李玄章 瞿稼軒先生招飲浣溪

春暮南村感懷 贈形家鄭南溟

盛桓夫邀看荷湖上 阻雨京口有懷

九日次雲陽 泊新豐鎮

夜叩蔣山廣公房 淮上感賦呈舊知 四首

客淮上陳階六招同夏象也嵇淑子

泊巴城湖

閏春詩 十六首 庚辰

過廢園有感

西廊

移坐松石齋

飲桑昭伯茅屋下

詠蒹花田

坐月嚴髻珠齋

破山行礪上

山中雨後

嚴子張刺史同日馬生駒鶴生子賦贈

酌林六長於薦菊泉 賦得歌舞閒時看讀書

錢宮詹邀同六長泛湖 中秋周奕丹席

復飲桑昭伯茅舍 何白石寫蘭墨賦贈

聽胡白叔誦洞庭詩

觀商丁大雞彝尊 五首

舟中次牧翁韻

冬夕宴半野堂

輓魏叔子師旅櫬

寄通州胡指水

上元有感 辛巳

上元夜飲

燈飲躬約齋貽戈莊樂

送錢爾弼之金陵 三首

松石齋雜詠 二首

畱殷大徐三小酌

瞿稼軒招山中看梅

四首 寄懷進士馮仲先

蔣晚仙招遊錦峰

同嚴武伯半塘野步

花園村

第三卷

陳益吾中丞招飲柴居

題睢陽五老圖

朱以發招集二株園

林若撫吳廣成過訪

半塘寺展開華嚴經

夏旱

困夏

錢宗伯黃山歸陪侍

楊贊皇招飲龍潭別業

題朱宗遠園居 四首

送嚴伯玉楚行

題汪賓陽儉退居

東山酬和賦

壽錢宮端牧齋師六十

與瞿伯申月下登北固

九日雲陽道中

十月廿四履兒三週忌辰感悼

村中和坡公詠雪韻

寶綸堂又和坡韻

戲柬王兆隆蔣晚仙

春甲子晴 壬午

畱宿稼翁瞻雲閣

鄧尉隨喜大悲懺事

禮三峰和尚塔

登七十二峰閣

北上泊金閭

舟中小臥

雲陽道中

晚霽渡江

邗關

北征途次

阻雨邵白旅店

阻雨界首旅店

漂母祠

渡河循東路有感

小諸城村店

過破車峴

晚宿山店

曉發臨朐

道旁齊桓公墓

曉渡淄河

滄酒 二首

晚渡黃河

繇沙河至黑林

穆陵關

雨後過穆陵關

臨朐道中

途次示扶風

齊景公墓

青州道中有感

再題新中驛店壁

新城道中懷古

入都

文宣師廟石鼓文

性不喜醋戲為解嘲

夏宴田國戚第

遲馮躋仲沛祖不至

題平坡廢寺

一宿承恩寺

遊石經山

涿州道中 二首

呈徐虞求少司寇

報國寺雙松

京邸醉述

遊西山碧雲香山諸刹

龍王堂和劉司馬韻

題祕魔巖寺壁

碧雲寺泉

憩香山寺來青軒

雪屋二集 卷四  
祕魔巖

香山寺

淨德寺

玉泉

玉泉山泉

京邸雜言 十二首

第四卷

李豐城侯復爵

小侯

下第

都中馬上

九日偕諸同人集酒館

贈別蔣南陔謁選建寧

送別葉水脩

與朱子舒旅飲

部試授司李呈羅文選首三  
上鄭玄嶽大家宰

偕客飲長安酒樓

長安旅夜

與王史諸君結社長安

燕邸承相知慰遺柬謝

徐大司寇惠遺柬謝

臘月十九日立春

除前三日贈別朱子舒赴晉撫蔡雲怡先生幕

除夕偕王兆吉赴時兵垣守歲之飲 二首

人日 癸未

燈市

春分雪

誅失事者

大司寇徐寶摩先生去國次元韻賦贈 四首

陳益吾先生擢少司寇喜寄

李仲九何子九見過

送孫魯山先生督師

寒食日粉榆社集

蔡穎生納姬

宴陳水部公署

偕翁時二給諫出都

馬上二首

德州道中苦熱行

經阜城荏平

馬上望嶽

單家橋

入濟

淮船

古城謁三義廟

清江對雨柬漕使

午日金閭別脩來督漕

華蕩舟次抵家作

松陵舟夜

海鹽舟夜

平湖柬陳階六明府

崑山朱以發齋夜集

顧謨明齋夜集

西湖飲朱雲子寓樓

陸鯤庭貽旃鳳堂集

渡湖

雨中渡錢塘江

會稽柬陳臥子司李

上劉念臺先生

上李玉完中丞

蕞山晚眺

臥龍山懷古

題張氏萬玉山房

感悼倪光祿三蘭先師兼貽爾徵爾詒諸世兄

高樓怨

恭謁禹陵

遊南鎮

中秋月蝕

題祁世培先生寓山園

滿城風雨近重陽

倪爾徵送酒至

錢長史宅觀女優

入樵風涇

過射的山

至平水市

暮入雲門

遊雲門寺

四首又二首

趨竹筏

訪陸雍之山居

題倪鴻寶先生園亭

玉樓怨

四首

遊曹山內宕

題曹山外宕石

題衣雲閣

倪子新招飲水閣

王玄趾齋集講學諸子

晚步蒹葭園

張墨妙齋夜集

為心函題松弟卷

劉念臺先生示道一則

同張愛先先後渡江

二首 循湖堤至七山步

登錢塘江上六和塔

經玉泉廢寺

岳武穆王墓

于忠肅祠

陸敕先刻詩約有贈

二首 步月七檜壇 二首

第五卷

寶刀篇

甲申

壽范太濛璽卿



梁谿顧子方過訪

訪顧子方舟次

瞿給諫浣溪賞海棠

和錢爾弢號北詩存八首

吳去塵過訪

送錢宗伯內召

今夜

飲殷汝若新居池上

秋起詠庭前五花

倪文正厥車至吳門

舟經苕溪

苕溪曉發

霜降日觀祭纛

語水飲解蜚齋明府署

當湖陸狂生北郊

偕王子敬西郊感興

送王喜賡令姚江

送朱右服

送瞿稼軒擢少京兆

和錢履之冬至連雨

元旦

呈徐虞求冢宰

立春前一日舟中

攜李道中盛雪

陳梅臣樞部署中

上元飲梅臣靜觀堂

雪中過春山房

西湖早春

雪霽遊靈隱天竺

西谿道中

絲西谿入橫山

永興寺綠萼梅

江邦玉橫山草堂

江氏擁書樓

橫山晚歸自朱橋江岸 晚過雲棲

禮蓮池大師塔 賦得燈市蚤投瓊

兩朝忠烈祠 六橋春眺

見燕 飲葛無斃梅下

送王蘭陔刺史金華 題朱雲章蘭卷

酒間贈歌姬 飲家孝若樓船

春暮遊天潭邃谷 送瞿中丞巡撫粵西 二首

初夏薄遠之村居 悲廣陵 四首

書五月初十日事 二首 酬嚴仲木避亂湖南 四首

絕句一首 夜坐

賦得桃李無言 二首 酬馮定遠見贈

夜思 閏六月望月食既

七月十一日嚴仲木草蕩村莊連宵紀事 七首

題晞髮集後

雪屋二集卷一

閣上樓

常熟孫永祚子長著

虞山城樓春眺

癸酉

南沙古來縣煙火屬承平湖水西浮嶂江潮北過城荒  
祠虞仲蹟廢巷子游名只有仙人石年年春艸生

景景花信風

年年花信多風信此是春來第幾番一夜青歸彭澤柳  
連朝綠滿邵平園欲將細雨露殘雪時弄遲暉送蚤暄  
轉眼物華何處候野梅江杏酒家邨

鷓鴣啼斷竹林煙花信今朝倍可憐殘雪禁持芳艸色  
輕陰邀勒豔陽天曉窻呵鏡籠織袖夜閣熏香換薄綿  
最是病夫先覺得幾番魂夢怯春眠

家庶明邀過湖田別業

歌吹西郊日青春海晏年水邨多曲處茅閣獨悠然遠  
勢山縈疊閒情柳起眠夕陽猶未下散作海棠煙

飲野田

花事春將半沿洄浦口船繁枝如粲錦飛絮不成綿鞭

影前山俠衣香後舫仙晚雲收夕照人醉水蒨田

綠萼梅

曾向林間拂鬢鴉清歌妙舞月方斜羊家條脫今何在  
降下仙人萼綠華

明妃

明妃不作單于婦老向深宮誰得知從說君恩似流水  
長門埋沒幾蛾眉

題張叔維畫卷感憶四首

圖得仙源花一株墨痕猶在繫相思江雲飛去重重恨

訴與春風更不知

右杏

張緒當年自寫真長條管得別離會風流回首今何在  
春雨疎疎已不勝

右柳

一生霜骨傲於梅只向水天雪裏開展卷不禁春夢斷  
窻前那得有君來

右梅

瀟湘遺墨等閒看紙上清風拂暮寒石徑記曾攜手處  
故人無復對琅玕

右竹

### 遊靈谷登寶公浮屠

巍巍塔影俯幽岑境入靈峰第一林谷轉龍蛇蟠地勢

松摩霄漢落雲陰三秋陵寢多佳氣十里鈴鞮盡梵音  
欲向寶公重問法一燈猶照古禪心

### 句曲早行

秋河未沒曉星黃鞍馬勞勞倦客裝山路穿雲林月暗  
野田積水稻風涼行人逢着皆他縣殘夢續來猶故鄉  
短舍長亭舊經處幾回來往斷人腸

### 對酒

不材空歎百年身那復行歌老負薪唯見白駒馳白日  
漸看青鏡變青春達生我欲驅愁物

子建愁賦愁之爲物也

快飲

君當恕醉人非是酒鄉堪避世眼觀獨醒已非真

冬日

朝暉耀扶桑昏昏忽已晚魯陽戈空揮夸父策亦短急  
景苦相摧沉憂方漫漶惜哉烈士懷刺促何由展我聞  
雞鳴詩士女警昧旦願耿明發心烏能溺安晏

寄北征友

北風吹寒條發發成嘯吟萬象忽改色白日生幽陰居  
人掩扉坐遙想行役心吾子在遠道去去關河深嚴霜  
整晨駕日夕投長岑饑虎出阻谷老鴟蹲荒林懷哉積

離思願託高飛禽朔鴈方南翔何繇寄遠音悠悠歲已  
晏涕淚常沾襟

塞上曲 四首

氣壓龍荒列校屯時隨羽騎獵秋原關榆飛葉邊聲起  
便擬彎弓度玉門

帳外霜風塞草凋月明嚴節響銅焦將軍尚按龍泉坐  
密敕輕車夜救遼

尚方玉劔賜年年捷奏虛隨斷鴈邊飛將數奇都護沒  
誰將高第象祁連

陰山朔雪角弓開瀚海黃雲簷築哀蘇武不歸旄節盡  
胡人自拜李陵臺

歲三日訪程孟陽拂水山莊

甲戌

冉冉新年動物華穿雲卽到隱淪家滿天凍雨忽成雪  
臨水孤梅先着葩詩骨斲來山石瘦吟肩看去嶺松斜  
怪他清思輸高士杜老當年在浣花

春夜譚扶風齋中偕徐艾若

歸鴈嘹嘹度遠城嚴鐘動後入初更春寒酒盞花無恙  
夜靜燈窗雪有聲牀上短書空復在鏡中華髮已須驚

二三兄弟參差羽不盡東風對語情

登縹緲峰落舟復汎月石公坡

洞庭三月梨花春輕籟花逐行春人山中之人朴而異  
驚看王孫折花至美人跚步躡飛仙猶帶山頭縹緲煙  
半醉歸來青雀舫凌風一曲煙濤上老蛟臥抱明月胎  
戲弄寒光湖面來擊楫泝天天似水石公山石霞稜紫  
空梁激浪殷雷聲萬片銀波如掌平我謁石公公是主  
何以贈余雲數縷持雲歸去春愁深吳歛越舞何處尋  
不如鯨吸三百斗醉臥湖坡弄煙柳石公一笑立青山

洞口春風日日還  
朝烟斷處長松  
洞山春夜出北郊  
同門人祝子肅子  
又步至破龍山房  
晚攜二三子空山  
覓心悟稍綠北郭  
溪遂入桃源路靄  
靄餘夕光濛濛隔  
春霧前林漸昏黑  
不辨原上樹野花  
紛紜香宿鳥啁哳  
聚幽燐生野墳叢  
篁莽回互石勢忽  
衝目藤根時躡步  
幾家隔遠火犬吠  
春山暮海月東方  
升松頭白微露流  
泉泱泱聞疎鐘杳  
然度披蓊發巖扃  
好風林下遇礪戶  
蘭杜芳迴然絕塵  
務

三山中出蛟

甲戌

不盡東風捲

晚見雲物異四山  
蒸濕煙雨氣膚寸  
合奔騰如決川巨  
石崩紛飛高阜深  
陷淵跳波樹頭上  
猶餘老蛟涎因茲  
感物理矯首還佇  
延想其養困時靈  
氣何迤邐蚓蟠還  
蝮伏寧計歲與年  
不敢出精怪駭抱  
明珠眠一旦嶄頭  
角變化升九天何  
曾召風雲風雲爲  
之先爲我語老蛟  
脩鱗豈徒然

春暮山房雜詠

七首

幽澗雜花紛濛濛  
紫蕤碧蘂搖春風  
翠翎小鳥踏不得  
一聲飛去深林中



窻外白雲生遠岑松風歇吟清晝陰楊花滿城不到此  
坐對階前春澗深

空山無人春日長春紅落盡幽艸芳湘簾忽動午風起  
成陣松花吹滿牀

古藤垂垂覆山屋晚來讀倦坐眠熟東風吹落手中書  
日影斜斜下叢竹

山僮采得山花歸草帶青青束一圍手弄餘香過溪去  
一雙蛺蝶趁人飛

春喧惱人意不得野蜂坐衣撲無力忽聽空林颯有聲

山雲疊疊松頭黑

松花作飯烹紫芹日日山中按玉文興到疾書三百紙  
絲毫冉冉生春雲

過北山王子任故居

酒盞從拋已數春海棠開落半成薪一區荒宅深叢竹  
數畝迴塘亂野蓂流水不知更地主夕陽唯見灌園人  
雙雙乳燕衝林入掠得餘花點角巾

破龍礪觀泉

一道飛流白從空落樹間濺珠侵葛屨迴雪濕禪關狂

勢千峰合喧聲萬壑還支筇看不足雨氣又漫山關  
五丈石觀泉

潺湲聞數里一道出長林觸石偏生鬪因風忽亂侵已  
看無敵勢唯見不回心奇觀今朝盡都忘夕照沉

夏日登北固

赫炎何處竹林清一徑涼陰初地行樹色半藏甘露寺  
山形平接潤州城湯湯江水中瀉拂拂天風袖上生  
聞說滄桑容易變金焦猶見巨鼇擎

山雲題焦山絕頂

遙接金山勝標分天外青寺深多樹色江僻少人經鉢  
供降龍偈碑捫瘞鶴銘茫茫海門氣不逐晚潮腥

題京口石磯

滄波何不息沙觜一拳峰石勢蹲斑豹江身走赤龍月  
乘瓜步艇風度玉山鐘我欲垂綸釣鱸魚出手逢

固山下大好鱸魚一  
出手釣得四十九枚

病熱口占

內熱如爍鐵腦漿燥乾髓枯竭外熱如沸湯皮膚焦熬  
舌刺芒如此相煎數日夜人生何苦悠悠者強將心識

鎮神魂鼠肝蟲臂誰真假既無飈輪升玉都又無大藥  
駐丹壺人之大患患有身惡能逃此陰陽罅

病中

一病逡巡勢較增輕風簾幙更移屏清秋只護支牀枕  
永夜唯看背壁燈夢魘未回驚稚子藥囊無辦賴良朋  
朝來莫嘆黃花瘦鏡裏頹頹也自憎

病餘

紅日明窗尚晏眠病餘怯對曉風前衣裳乍熨熏籠火  
鑪竈先飄藥裏燼愁熱可能忘米汁嫌腥未敢試河鮮

靜中且喜生春意冬月常如三月天

小除夕雨飲綻香閣

窮律忽將春換臘庭梅開徧灑蘭風一身病久初成健  
百罰杯淹不放空小閣且逃人事外殘年將盡雨聲中  
共憐容鬢今何似笑摘燈花照臉紅

元旦

乙亥

事同前年華詞表出

已將輕暖入新年庭草茸茸滿碧煙病後畏人稀客至  
雨中閉戶賺春眠辛盤堆菜沾餘醉綵筆迎花試小箋  
誰是玉階鳴佩日自憐梅發草堂前

春日復過山齋  
處處東風織柳絲野梅開徧最南枝  
人來山戶依然昨  
花落牀書又幾時  
窗外半添新種樹  
壁間猶記舊題詩  
依稀只是前春事  
回首年華何處追

山齋枕上

夢繞燈窗春氣深  
曉鐘不醒睡沉沉  
一從移榻山齋後  
滿耳松風永夜心

清明題寓

曉來啼鳥亂春聲  
落絮飛花風滿城  
客裏不知時序邁

一簾細雨又清明

張公亮過虞山屢同遊  
席酒間出螢芝集見示口

占以贈

三月飛花滿四郊  
鄂君青翰屢相邀  
燒燈同照牡丹榭  
載雨還移楊柳橋  
拂拭湖煙與山翠  
公然為君獻靈祕  
已隨香唾落珠玉  
更出雄詞吹鼻鼻  
予贈雪屋吟君示  
螢芝集一讀風生襟  
再讀雷震蟄字字  
涵化工能令鬼  
夜泣予也甘心屬  
橐韉知君何處倒  
詞源乍疑五丁力  
士鑿出蠶叢嶂  
又疑白馬神人戲  
舞銀濤翻君家詞翰

世相似當代何人軼前軌博物知名掩茂先登高作賦  
凌平子可憐有才不遇空淹留予更對之雙淚流不排  
紫雲叫閭闔落拓徒成汗漫遊時命不來總若此千秋  
百代何悠悠手持此編酒百盞澆盡春來萬斛愁

送魏仲雪先生較士東粵

百粵矜紳擁節迎江南名翰舊儒臣孫陽相馬多無價  
郢匠揮斤信有神杞梓榷楠天上器明珠火齊席中珍  
九重特起敷文教頓使南荒日月新

夏日山齋

庭陰交綠木千章夏日山齋晝更長信步不知來路杳  
閒眠唯快午風涼時時幽處見奇致往往靜中聞妙香  
如此清緣堪入道坐闌還笑落花忙

哭兄蕃甫壘前韻

驚心欲廢脊令章羸瘦形神帶漸長家計米鹽元自薄  
人生骨肉一何涼樹交連理荆偏瘁花落同根棗不香  
詩裏清緣信難享勞勞造化合應忙

應詔謝東風人

新詔煌煌簡大良不才何以應明揚天人策擅曾推董

校獵文成謬許揚稍喜策鞭離皂櫪還羞決起在榆枋  
廿年鄉國傷懷夢好仗東風入建章

呈雲間司李李寶弓房師

四首

幽蘭生澗底芳馨誰爲傳桃李開深山無人空自妍所  
貴賞心人及時采芳鮮國香一旦出成谿不在言公門  
固無私春風亦已偏

咄哉下里駕小小曾空羣不遇伯樂顧鹽車汗沄沄翦  
拂乃在茲長鳴一向君太僕十二閑虛飽奚足云驥首  
奮天路萬里策功勳

亭亭泰山松特挺百尺枝免絲生其下纏綿得所依寄  
根雖云末呈此凌霄姿下與凡木遠上與青雲期自念  
欣有託不敢侈恩私

天子重豪雋異數求大良泰道日以升君子正內陽何  
幸下里士賓賓觀國光金馬始應詔董生策煌煌詎敢  
終小草羽儀方用章

北征次京口

丙子

生長東南全盛年驚看江瀨遶戈船旌麾幙府方移鎮  
烽火中原未息煙吳地震鄰多伏警漢廷對策竟何先

賈生不盡憂時涕太白船頭似月圓

姑蘇逢劉無疆沈繼明招飲徐鳳青樓餞余北上  
姑蘇臺下鄂君船正值鶯花二月天樓上新妝看寫月  
尊前故態酒傾泉熏籠香煖人初醉銀燭光銷客未眠  
腸斷徐孺三疊曲不堪明日各風煙

呈張二無先生

夙佇高山望今朝始慰饑文高乖叟譽清過伯夷徽罔  
政新膺寵陪京尚典衣

以南璽卿新有太僕之命在告

聖朝需柱石莫

憶故園薇

金山杏花下作

迴廊行徧日暉暉忽漫飛花點客衣回首海天春已半  
不禁愁思滿江磯

舟過高郵

懷闕樓前水拍隄野田花鴨作羣棲舟行酷似平江路  
莎草青青柳葉齊

晚泊古城謁三義廟

船頭斜日戍煙輕疎雨絲絲足別情沙岸落帆河水急  
暮天吹角海雲生幾家野店依荒驛何代英祠傍廢城

記是當年三義聚靈風猶起夜濤聲

舟次宿遷

蓬窗浙瀝定還驚客思搖搖夢不成  
河上漁舟聞遠棹岸頭小柝守殘更  
餘寒饒作東風勢急水初添夜雨聲  
憶自離家春過半可堪淹泊宿遷城

伽河逢陳大士舟次夜談有作

何意黃河曲逢君青翰舟從來輕萬戶  
但願識荊州俠概凌同父高名重太丘  
風波淹水宿談笑慰羈愁味摘沙芹細  
香分楚橘幽夜闌頻翦燭歡劇正傳籌  
交道憑河聲夜不休馮澆一尊酒明日定安流

與金沙周伯玉從陸赴京

赴闕心方迫關河路尚紆篋書懸馬鏡  
筒酒縛騾車幸有同心密都忘逆旅疎  
紅塵初擾擾何處五雲居

東平道中

白日揚黃塵驅車漫浩浩戴星出東平  
細雨千山曉煙靄空濛濛垂楊弱嫋嫋  
平岡轉逶迤客路生芳艸麥秀



色侵衣春風亦已老征輶一延佇忘却山東道

白日郝山述所見

陰陽有遷化水土係所秉水緩易生疝水激易生瘕此  
理夙有聞寓目信有省馬頭婦出汲十九瘦垂領並恐  
行客見羞澀自照井照井亦何爲淚落喉間哽不信燕  
趙女另有好頭頸

滕縣道中

東風日日逐征車夾道垂楊滿絮花憶殺江南春似海  
輕塵不到碧窻紗

鄧州道中

生長江南慣水鄉春風馬足信郎當蓮漿不解黃埃渴  
得見清波沁骨涼

瓦橋關

吾丘北接古雄州溪水西通易水流岸上綠楊縈去馬  
隄邊青葦亂飛鷗三春半擲紅塵道一月方看白鷺洲  
莫憶江南風物好長安已在五雲頭

新城道中懷古之作題三家店壁

古督亢地

馬頭日落塵生處傳是當年易水渡刮面蕭蕭吹暮風

荆軻西入咸陽路兩袖單懷督亢圖函中之首血模糊  
可憐投七擊不中怒氣空令倚柱呼茹血報讎讎未雪  
秦王無恙燕丹滅去時相送白衣冠壯士嗚嗚先飲泣  
堪笑舞陽真小兒擊筑猶聞高漸離古來義憤在人世  
增得千秋烈士悲

題京師寓二首

平旦闐闐開征塵起交衢馬頭呵從過冠蓋絡繹趨煌  
煌京雒客大半爭要樞去軫接回軻紆紫并曳朱  
子避前殿宵旰方憂劬四方賊未滅京師早未蘇誰調  
陰陽和飽死多侏儒道旁一却顧獨立空躊躇

余本下里士對策來承明四方應詔至輦下羅羣英的  
爍照珠玉芳馨懷蘭蕙始通金閨籍還歸胄子黌 天  
子大樂育當途藐塵輕豈知漢廷上文學難孫弘勉矣  
奮六翮毋以小草名處有龍鳳日出當爲棟楹

候試

闕下集羣英懷中白璧瑩上書驚譽朔滅刺笑狂衡舊  
賦凌雲久新恩覲日明金臺看意氣短鋏是青萍

廷對

鳳樓門鑰啓銅螽唱徹楓宸入曉雞宗伯引趨鑾殿奏  
將軍呵止玉階齊日華頰首瞻天仗煙靄回身降御  
題自笑孫弘猶未老生平何策獻金閨

同馮仲先遊龍華淨業金剛諸寺訪雪崖野竹上

人

何處尋幽勝相將有衲衣亭虛隄樹暗沙淨水禽飛香  
稻含初雨新荷漾晚暉隔湖遙望見雄刹對漁磯  
燕塵飛不息瞥見水光生深柳藏僧寺平湖接帝城鶴  
分香積供鶯帶上林聲京雒煌煌者何如此濯纓

與馮仲先朱以發同舟南下

小車入洛喜爭迎又見關河買棹行河口不疑懷璧客  
關前應笑棄襦生檣烏飛下窺書卷汀鳥啼來送友聲  
一道安流隨去住休煩聞吏候雞鳴

燕歸舟中值亡兄蕃甫周歲忌辰二首

一生兄弟每相依何意違離已及暮天外有魂招不得  
况堪展讀脊令詩

食貧家計累吾兄前此清修過半生今日京華回首處  
可堪隻羽獨飛鳴

雪屋二集卷一  
借朱以發登東昌郡光嶽樓

遙看層閣出層空  
攜手登臨目界窮  
轟轟岱宗通紫氣  
泱泱渤海鎮雄風  
三台帝座紅雲裏  
萬井人煙曉日中  
百尺堪稱天下望  
幾回欲訪仲連宮

即聊城仲連射書處

夜泊邗關二首

清淮南下遶城流  
廿四橋頭十二樓  
歌吹不知何處落  
至今煙月滿揚州

平山堂上快哉風  
萬井歌鐘煙市東  
極目蕪城高處望  
隋隄柳色夜濛濛

濟江與仲先以發豪飲

大江淼淼際天流  
逕渡無勞壁下投  
買到河鮮堪佐箸  
傾來滄酒不論籌  
着鞭共效祖劉舞  
放棹爭看李郭舟  
回首清淮與濁潞  
風波已不到看頭

畱都贈卜隱周午陽

朝來紫氣滿京闕  
一騎青驃自東發  
迎着仙翁揖道旁  
罡風過處清妖孛  
自歎有懷明發裏  
人間禍福隨人取  
一生心事向誰論  
布筴占星徒眩耳  
我有織女石世無  
君平漫不識我有賈生涕  
世無季主空相忌  
何意毘陵

隱異人揭來京雒鑿余真胸叅大始涵元化謀蘊玄機  
洩鬼神自是君家圖太極五行演出先天易垂簾卜肆  
識公卿炯炯方瞳秋水碧余但向翁呼滿竿長安貴人  
騎大馬行藏有主其天乎須識先生非日者

秦淮輓嚴子建

四首

七夕曾邀共酒卮黃昏雨急負來期誰知亭午匆匆別  
便是吾兄永訣時  
孤琴誰更撫涼軒從此無心向酒尊淮水笛聲空繞夜  
不堪對月賦招魂

送得魂歸一葉船江潮湧淚柳顰煙可憐載向龍津過  
劍氣嘗沉在九淵

幾迴浦口讀書聲舟到籬門一笑迎魂魄至今猶在否  
雲山空向小窻橫

鄧尉看梅

丁丑

登登西崦復平田已及花時勒凍天斜峪千林俱罨雪  
野牆數樹只欹煙山家種慣饒春業遊客看多逐酒緣  
一路香風筍簞上鐘聲遮莫萬峰邊

送錢宗伯暨瞿給諫赴京廷辯

四首

白日當青空浮雲忽蔽之一時晻曖間魑魅縱橫馳短  
域旣射影小鼠亦嚙衣勢使天地覆機疑神鬼移豈不  
畏太陽跳梁且斯須  
人言飛冥冥弋者何所慕威鳳宿丹穴玄豹隱深霧機  
辟忽中之杳不知其故躑躅鳴向誰患難亦吾素周公  
被流言赤舄有常度  
白璧汗青蠅寸點不累質貞珉烈火炎三日不改色往  
往聖賢修頗得憂患力狐稷何足問瘳狗亦已極隕霜  
有餘威天道豈終忒

我有三尺劔誓欲清帝旁我有二石弓誓欲射天狼么  
麼腹中蟲噉噉訴上蒼當有障天手依憑恣披猖行矣  
帝無私拭目回陽光

水村

水村書屋小橋東脩竹疎梅三四叢無事閉門此靜坐  
有人敲戶不爲通春陰連日只微雨花信幾番多怪風  
稍喜新聞清耳畔夢魂淒斷塔鈴中

五卦時伯和齋牡丹三四叢徐艾若攜酒至

石家錦障何足羨幽興偏宜君數叢佳客城南先載酒

小欄春思欲當風晚雲張幄養花色落照銜山增夕紅  
正使昏黃不歸去燒燈要見夜煙籠

經嚴子建墓

墓在衡陽縣中

凄其寒食天紆折練塘路指點松楸間故人泉下臥遼  
鶴何時歸悲風起高樹青青草未宿誰識杯中趣有酒  
呼不應但澆三尺墓嗟哉明月中精魂自來去

訪陳季采陸布公於石梅菴

訪君深綠處樹遶竹林偏只在此山麓應從初地禪上  
方來午磬下界滿春煙一葉香生茗新擔薦菊泉

泉名

趙景之及第寄贈

二首

趙璧連城擅國聲玉京仙府正標名文昌獨映金鑾對  
魁杓高懸玉斗衡晝靄氤氳龍礎潤東風浩蕩馬蹄輕  
雄才並壓三千輩人在靈鼇頭上行  
聖恩初賜漢宮花本是先朝翰苑家池上鳴鸞新節奏  
殿前起草妙才華先鞭響觸金鈴索獨步香霑玉路沙  
自笑也無溫飽志彤廷日賦不成華

大重送蔣晚仙之任南海

鳧舄朝飛嶺外霞朔風不到日南槎鮫宮月出初開鏡

雪屋二集卷一  
三  
蠶縣煙清好種花素節豈因泉水易玄文久擅錦綃華  
九重暫借鹽梅手一試烹鮮大爾家

自笑雜興  
志汎汎日趨不取華

曉來叫新鶯呼我春夢醒好音流入懷賞心亦何迴夜  
來叫苦鶯驚我春夢斷喉間若吞聲煩緒一時亂百鳥  
各賦聲喜怒隨人情人情亦何異好自取悅惡取憎鳴  
鴟動秋績布穀喚春耕鸞鳩槍榆上啁啾何足名鴟音  
嚇嚇作妖祟安得一洗俗耳朝陽鳴文昌  
時旭如齋咏虞美人草

何處江花擅此名當年一劒楚魂輕血成吳地草花色  
腸斷固陵風雨聲把盞尚聞歌應節傍檐猶見舞含情  
誰知蓋世英雄氣半盡佳人一死生

寡鵠歌贈袁重其節母

哀哀一寡鵠孤鳴將何依懷中挾兩雛弱羽方學飛含  
哺劇含辛淚向西風揮卓哉貞母節誓志能不移矯矯  
松柏姿冒凌霜雪威吞饑夙有年今得返哺歸肅肅孝  
子志奉事以無違真同寸草心難報三春暉幽貞苦潛  
耀至行已可師明時采國風彤史宜著綴乃知勵德操



焉論貴與微

雲間七夕集姜神超先生玉照堂同朱宗遠楊子

常周祖修邵羽萬

玉照堂前瓜果繁高山在望典刑存才華照座西園集  
讌笑忘年北海尊金井秋生聞蟋蟀銀河夜渡說天孫  
醉中便擬乘槎問斗際沉沉月欲昏

過嚴子張湖莊

四首

蘆荻茱萸別一灣晚來棹破水雲閒分明換却湖山面  
只在高人位置間

萬頃陂塘舊種蓮新開亭子土岡前教刪密樹晴巒出  
補築長隄鏡水鮮

鳩鵲鷓鴣滿汀沙不是孤松五桺家天上銀河疏作派  
月中仙樹爛生花

水木清華點次殊風流不墜賴撐扶阿翁魂魄猶睠此  
展出湖山供養圖

詠朱鸚爲家光甫泉州公

二首

海外珍禽何處巢雕籠擎出繫紅條雪娘自媿無顏色  
綠使應嫌舊羽毛日裏赤烏分火德穴中丹鳳借靈苞

雙雙對向庭前語能說清風太守高  
大中  
當今天子不搜奇曾記元嘉詔賦詩紅袖色黏飛燕  
唾茜衣汗拭太真肌玉籠閉却調言語金鎖擎來愛羽  
儀只有使君袍上火分明欲奪此珍姿

長至日登許文玉新樓晚眺

百尺樓頭仙子居登臺雲物定何如  
煙中野火人家外  
樹裏山城佛殿餘一鶻盤空窮目際  
半蟾濯影舉頭初  
酒間不乏清狂興特着檐燈照綺疏

冬日讀書慈視菴

四首

踪跡今年類轉蓬草菴入夜佛燈紅  
暫將心地皈依頃  
瑟瑟一庭黃葉風

迴廊行徧月中庭木落霜清鼓二更  
料得山僧松夢靜  
木魚歇後讀書聲

午夜遲眠落夢難一聲清梵曉鐘寒  
窻櫺日影移三五  
不信侯家舞乍闌

瘦骨條條削玉稜隨緣蔬飯類枯僧  
道腴畢竟勝葷血  
嚼出黃蘗味也曾

冬日慈視菴

雪屋二集卷一  
茅菴背水面陽開徑引蒼松印紫苔戶外市煙塵隔斷  
窻中山霧濕飛來簾移寒馭添遲晷火宿熏罏撥陷灰  
擁膝不知天欲曙佛堂已有木魚催

雪屋二集卷二

常熟孫永祚子長著

春日掩關盛躬約南邨艸堂

六首 戊寅

艸堂何處是路引入南邨一水遙連郭扁舟近到門幽  
蘭生滿徑叢竹隔疎垣幸有吾徒樂何妨獨寤言  
郊外罕人事迴廊信步長山雞尋蟻穴水鶴掠魚塘花  
重入層紫雲輕落片香東風饒作勢鎮日爲春狂  
疎梅飛雪盡新柳半青青遲日移春晝輕煙向夜冥竹  
喧千陣鳥風靜一池星最愛深更後書燈細火熒

艸玄心苦處時一酌蒲萄醉眼有餘適冥心無俗勞小  
畦饒菜甲在渚足漁舠要見春光滿沿池更種桃  
豔情銷不盡清課嬾都芟花氣嫌鱸靄朝烘換紵衫落  
梅村裏笛飛鷓樹頭帆時畏春泥濕梁間有燕銜  
不覺三春晚能無時序驚綠英新長蕙斑籜漸抽萌剝  
石捫餘字枯桐按古聲欲過望山處賴有小橋橫

南邨艸堂示盛躬約繆令胤諸子暨履兒

初日簾櫳眠起嘗推窗風穀滿池塘千竿竹長餘龍籜  
百種花開助蜜房點也春狂皆樂意鯉乎夜讀是書香

二三吾黨成章士講業傳經自艸堂

虞美人花

神離夜失陰陵道碧血離離化春艸春風吹落漢家營  
猶向江頭泣清曉露泫啼妝顏色鮮宮睂嬌壓野濱煙  
一迴應節一腸斷酒濕紅衫楚舞年君不見鷓雉高飛  
未央闕廁中彘鬼聲嗚咽何如一劔楚魂輕漠漠江花  
寄芳烈咸陽城頭棲暮鴉臨風酒醉美人花龍爭虎鬪  
盡黃土不信江頭猶漢家

舟汎西巖

五月山塘一葉舟青蒲獵獵迴生秋水風吹醒晚來夢  
仰看白雲天際流

南園呈陳中丞益吾先生

閒門靜掩釣魚磯泌水洋洋可樂饑千仞直聲天下著  
一生清節古人稀中州授略師黃石南國彈文補袞衣  
旦夕聖朝需柱石豈容長戀故園薇

與盛繆諸子暨履兒坐月

寥寥天宇幕輕雲屋角橫斜北斗文遙夜有香空際落  
幽花如語靜中聞朗懷月上堪相映涼腋風來許共分

出處他年渾未卜何時還憶此同羣

又絕句四首

金井生涼風玉階滿明月空堂忽聞香昨夜秋蘭發  
竹間小鳥翻池上流螢度貪看月生華衣裳泫微露  
趨趨草間蟲狺狺花下犬人聲寂不聞屋角銀河轉  
秋淨露華白夜涼雲影鮮門人獻新句蕩漾荷珠圓

夏日池上

濃陰檐外樹鮮碧鏡中天小雨欹荷蓋輕雷坼竹鞭暑  
隨殘竦退秋動候蟲先何處菱歌發歸來晚渡船

履兒采芹示之

青衫拾得一經傳，生長驚看十九年。  
子弟自佳何與事，父兄須養亦繇天。  
是人有道應堪正，如我無聞劇可憐。  
努力雲霄在英妙，光陰寸寸好加鞭。

晚泊釣渚

西風瑟瑟動鳴榔，遙岸芙蓉攬晚芳。  
小院曲通梧葉徑，野橋斜偃荻花塘。  
天低落日霞千疊，波闊搖空鴈幾行。  
誰是昔年垂釣者，秋來猶見水茫茫。

舟次錫山候錢牧師瞿稼翁北歸

身世無過一送迎，天涯搖落不勝情。  
野塘水闊餘菱刺，秋稻田肥聚鴈聲。  
翻手雨雲蒙北極，到頭雷電雪南纓。  
五噫愁說瞻京闕，從此梁鴻蹈海行。

悼履兒

瑤環瑜珥我家兒，人羨英才總角時。  
頭玉空生慶安在，掌珠一碎恨何期。  
痛腸不覺蹙聲嘯，紅眼猶將枯淚垂。  
豈是鍾情應吾輩，不鍾情待更鍾誰。

再哭亡兒履德

攜持書館幾經年，頭角粗成已惘然。  
蕤鐵躍來哀玉響，

鮫盤捧出碎珠旋春風座上香猶在寒夜燈前影獨眠  
那更無聊開篋看尚餘前日讀殘篇

春朝趙景之爲余作異夢賦謝已卯

紫薇仙客舊同聲曉帳曈曈覺後驚北極金鼇開象緯  
東皇玉輅轉璣衡書生有夢風雲薄太史無心志氣清  
倘得後塵相繼起與君端不負平生

附景之贈遊金陵詩士春

吮毫接席記當年壁壘分行競勉旃顧我已辭鈴索  
響送君重看秣陵煙江山帝闕新詩裏歌舞秦淮醉

墨邊便跨金鼇凌紫極慰余殘夢早春前

趙景之太史劾楊武陵奪情左遷賦贈

鳳池裁罷五文章諤諤封書出玉堂直節一時推世烈

祖文毅公亦以劾張大綱千古振朝嘗風雲不共彤墀

步日月長懸白簡光自是陽岡兩鳴鳳科名真不媿王

郎與狀元劉晉卿同進二疏各譴謫

上元友人席聞江上徐元脩訃音

珠玉輝輝照錦茵畫堂今夕黯傷神深杯語劇無新笑  
殘燭光銷有落塵心事那禁長夜雨鬢絲空憶少年春

雪屋二集卷二  
共持涕淚空中灑從此天涯少故人  
馮巴蒼炷香洛伽

欲將懺悔從初地獨汎新年南海航  
惡浪定能憑呪力  
靈山應許薦心香  
煙開紫竹調鸚鵡日出青林擾象王  
試聽潮音君悟否盤陀石上有慈光

江上送徐元脩葬

生平有幾故人同  
丹旄翩翩欲拂空  
百里不辭來執紼  
廿年還憶類飛蓬  
路旁歎息知名士  
泉下鐫銘太史公  
錢宗伯從此送君長別去  
白楊原上有悲風  
銘墓

萬峰禪院與剖公夜談

寺額豐碑字未湮  
萬峰猶記國初年  
清遊路入衆香國  
禪悅人登非想天  
珠塢鐘聲雲頂落  
太湖帆影樹頭懸  
付衣弟子中興後  
正印於今燈再傳

舟次鄧尉

晴山乍夜雨初收  
疊疊煙鬟映小舟  
欲借一湖清水色  
曉來爲客洗春愁

遊鄧尉

探梅自擬入山遲  
滿路殘香鼻觀知  
獨有寺前橋上看



雪屋二集卷二  
紛紛正及盛開時

送別新安李玄章

索居吾已久欣得四方人好事論多藝銷情問白因竹  
林相見晚雲水結知新又見離愁處長條已及春

瞿稼軒先生招飲浣溪海棠花下二首

波光柳色好亭臺一樹明妝足豔才西府移根春萬里  
東臯駐馬日千迴香魂入夜添燈照醉態迎風續酒來  
不是主人心賞得花神那肯十分開  
名園何處不呈芳又見風光到海棠酒氣熏之春醉重

燭煙被以夜奩香仙姝下降羊權宅鄰女高窺宋玉牆  
痛飲休辭今夕醉莫教轉眼亂紅狂

春暮南邨感懷

牢落年華一州堂藥欄零亂美人妝幾回身世傷心痛  
底事春風過隙忙醉酒難追當日笑看花全減少年香  
分明魚鳥相關意只有愁人易斷腸

贈形家鄭南溟

蘭谿丈人元地仙胸列象緯如珠淵枕中奇術不忍祕  
青鞵布襪遊人間杖屨雲煙隨足跡江山到處尋真室

山明水秀列仙居，虎踞龍蟠帝王宅。更有蜿蜒一脈雄，  
草蛇灰線真難蹤。白雲紫薇已長逝，丈人眼底多神通。  
丈人有術妙天下，歛動公卿簇車馬。對余談笑傾江河，  
余亦有疑獻君者。君不見秦皇歲役驪山徒，錮銅爲穴  
張機弧鮑腥歸來葬未冷，豈知二世先誅鋤。又不見老  
瞞疑塚空多智，總帳歌殘銅雀妓。漳水東流去不回，西  
陵望望今何處。北邙山上多新塋，華表高巍昨日營。  
一夜荒榛上狐兔，石羊仆徑多牛耕。蓬科萬塚長眠客，誰  
是英雄誰落魄。可憐地下還升沉，郭公今在江心石。嗟  
乎昔人魂魄重歸藏，豈能不封不樹如古皇。沙飛水激  
螻蟻穴，何如鬱葱佳氣盤龍岡。宜尼馬鬣猶封識，指點  
牛眠豈人意。多君一語豁余蒙，萬事在心而已矣。

盛桓夫邀看荷湖上

漾漾蘭舟放湖上，赫曦當空沸炎漲。須臾四面起水腥，  
疊疊山雲黑如障。陰入平蕪吹快風，回頭忽見雙飛龍。  
一龍夭矯入雲際，一龍攫挐來水中。咫尺但愁雷雨至，  
移舟暫傍菰蒲處。漸看雨脚過峰西，湖鳥依然自來去。  
萬頃荷花雨更香，主人流水飛瓊觴。客歌旣醉水窻淨，

雪屋二集卷二  
一路風襟生晚涼

阻雨京口有懷

昨夜江聲翻雨急  
曉來蠹蠹桅檣直  
千艘萬艦不開帆  
盡在江頭看風色  
唯有中流一葉舟  
逆風排浪輕如鷗  
舉篙一網雙白小  
拏槳來探漁市籌  
呼童冒雨遙招手  
喚取纖鱗來供酒  
彷彿宵來夢故人  
剖看曾有書將否

九日次雲陽

今日登高節無聊  
臥客舟賓鴻猶未至  
野稻已先收岸  
憤空餘醉風帆  
奈遠愁此身飄泊裏  
爭對一江秋

泊新豐鎮

向晚爭泊舟云是新豐里  
夜月水蒼玉秋雲孔鸞尾  
江臯木葉下野岸風砧起  
搖落未云暮嗟哉遠行子

夜叩蔣山廣公房

夜欵荆扉記得真  
上方鐘磬已初淪  
老僧投杖欣相識  
香積炊煙便薦新  
落葉有聲風似鐵  
空山無跡月如銀  
當時意氣今何在  
猶是秋前未第人

淮上感賦呈舊知

四首

鶴鶴一白鳥自顧潔羽儀  
病翅秋風裏欲飛  
將安之鵞

梁自肥腹林饑奚所宜九臯一引吭天聽未云卑倘邀  
支公愛遂此凌霄姿

病鶴

天驥昂昂者俛首伏阜櫪下與駑駘鄰中爲厮養剔嘶  
鳴向知己千里志猶激翦拂一顧之汗出桃花滴報君  
唯一心燕然勒勲績

困驥

灼灼桃一株託根在路旁着井雖未蠹成谿欲焉望本  
擬天上種失路良可傷公門曾置賞得移岡之陽被以  
春風和燁燁天路光

野桃

澗汀被叢蘭霏霏抱幽馥無言向流水誰送出空谷寄

賞有碩人彈爲王者曲憔悴在江潭豈同凡草畜雖乏

春風吹妄希秋露沐

汀蘭

客淮上陳階六招同夏象也嵇淑子

乍驚搖落已非秋來就元龍百尺樓四海弟兄歌白雪  
長淮煙月照黃流井中投轄飲無算地上着牀高不愁  
賴得主人情重處他鄉不復有離憂

泊巴城湖

日落船頭湖水黃朔風微見動枯楊人家賣酒孤村迴  
野岸垂旛古廟荒鴈影分行低暮渚鳧聲呼隊上寒塘

雪屋二集卷二  
誰憐水宿孤征客華鬢愁來拂曙霜

閨春詩和馮已蒼錢夕公十六首 庚辰

春賴閨加添芳園勝事兼野蜂窺步障梁燕礙垂簾半  
映桃花亞新添蕙葉尖不堪泥繡襪長是雨廉纖  
春賴閨加添妝樓勝事兼金猊藝沉水銀蒜押鈎簾粲  
齒天然巧妍跌底樣尖畫眉人不到檐外月兒纖  
春賴閨加添瑤房勝事兼朝眠酣落枕夜舞映窺簾譜  
曲調喉滑挑絃露指尖莫教長攏袖爭惜楚腰纖  
春賴閨加添行春勝事兼軍裝調寶馬官道上珠簾金

鏡雙鈎窄宮靴一捏尖王孫經看殺去路草離纖

春賴閨加添看燈勝事兼重遊火城樹未撒夜明簾避

路嫌塵暗占晴喜燄尖明宵微約束袖窄更桂纖

春賴閨加添銜杯勝事兼藏鬪聊背座彈燭故開簾笑

靨生香小脩眉帶暈尖最憐微醉後移近語聲纖

春賴閨加添裁衣勝事兼輕雲紛落剪細浪疊迴簾綵

線拈針尾餘絨唾舌尖身材能料理只恐別來纖

春賴閨加添山遊勝事兼佛龕施寶釧仙洞揭油簾步

屣珠連綴拈香玉削尖不嫌芳徑裏裙帶颺風纖

春賴閨加添晴暉勝事兼清陰凝繡帖長晝下湘簾贈  
別花含笑忘憂草茁尖無聊池館上掬水弄春纖  
春賴閨加添陰霖勝事兼峭寒熏煖閣蒸潤倚風簾泥  
膏黏花朵煙絲冪樹尖絮萍猶未徧吹作縠紋纖  
春賴閨加添侵晨勝事兼猩紅低拂鏡鴨綠淨涵簾小  
烏鈎斲急危峰冪歷尖垂鬟猶未理苔印步痕纖  
春賴閨加添深宵勝事兼熏籠初熨火蘇幕更遮簾錦  
帶閃挑結金釵試劃尖燈前看瘦影漸漸覺圍纖  
春賴閨加添毬場勝事兼月門高結綵花斗直拋簾躡

袖承來穩翻身蹴送尖柳風吹不極猶滴汗珠纖  
春賴閨加添鞦韆勝事兼花園才起架柳院不施簾仙  
佩輕飛上湘裙倒露尖腰肢空際裊一看一回纖  
春賴閨加添臨池勝事兼椒花詞滿帖柳葉篆橫簾逸  
少收門下文姬避管尖新詩書未了數起看穠纖  
春賴閨加添裁詩勝事兼雪飛推詠絮風動憶開簾落  
唾珠瑩顆停思翠蹙尖天才應絕麗不鬪句中纖

過廢園有感

曾見歌鐘撲地來美人花下舞裙迴春風吹過隔牆笑

雪屋二集卷二  
夜月照殘深徑杯煙柳萬條低曲沼露桃千樹出層臺  
今朝雨屐重探此寂寞園門自鎖苔

西廊作

一春足雨風今夜見新月乍照梅枝空徐聞松韻發斜  
廊貯光華不共流星沒

移坐松石齋

坐對庭中松秀色日堪把淑氣初暄煩清風自瀟洒來  
尋貞白夢一榻置軒下聊以悟靜因春濤空際瀉攜琴  
一吟和寧歎知音寡

飲桑昭伯茅屋下

昨宵細雨濕山城翦拂年光過閏正數畝菜花明野色  
雙頭燕子語春晴鐙中燼起酒初暖壁上風來琴自聲  
遙見兒童爭折柳始知時節近清明

詠莢花田

芳塍如繡雉將雛狼籍風光又挈壺騎踏亂於紅叱撥  
醉眠藉以錦毳毼已看瓊席添殘照况有金塘映綠蕪  
誰道郊原桃李盡浪將春色一平鋪

坐月巖髻珠松石齋遲至月落

佳人美清夜明月正當軒酌酒一幽賞涼影散春暄金  
莖滿仙掌玉繩低粉垣坐看流景移行惜餘歡存前庭  
撫松石後榭摘山礬香露滴衣袖幽懷轉翩翩

破山行澗上

寂歷空巖煙漠漠夷猶澗上來行藥新榆過雨綠葉舒  
古藤凌霄紫花絡遙聽鳴鐘山寺深近看樵斧松林落  
雞鳴犬吠了非嘗菜筍清醑差不惡一酌頽然向竹牀  
野人自過無酬酢

山中雨後

春歸久未破苔錢行藥來吟古澗邊百道飛泉狂似決  
一林初綠靜生妍山鳩向晚猶啼雨茅屋無人自起煙  
長日容吾閒枕石藤花紛點角巾偏

嚴子張自信陽攜得二馬二鶴歸庚辰三月馬生

駒鶴生子以同日爲瑞賦贈

二首

中州帶得逸足駿曾向戰場衝突陣朱鬣披時雲滿身  
碧蹄散處風生勒天房昨夜降星子却似渥洼初出水  
瑞應春明紫玉珂已看逸氣凌千里霜蹄未攢髮未乾  
真龍一出桃花斑能空冀北三千騎不數天家十二閑



使君東下騎雙鶴攜得清風歸院落水檻相依梳淺翎  
月臺獨立拳高脚前宵對舞雌雄鳴青艸湖邊雙卵生  
瀛海未傳青使信瑤池已結仙胎成誰家飛上揚州道  
丹穴分來鳳雛好快與春風長羽毛秋來轉盼凌蒼昊

右鶴

晤侯官林六長於薦菊泉因攜酒偕王山子鮑存  
叔小酌以綠陰黃鳥為韻分得鳥字 六長名銓  
入山訪幽人結茅在木杪巖扉倚絕澗下有流泉繞座

中七閩客一見玉皎皎相看儼風格靜對成深宵遂解  
杖頭錢濁醪勝清醪薜荔香紛紛藤蘿弱裊裊梵閣凌  
長松人家低綠篠豁然千古心日夕供吟眺清談接晉  
魏悲歌劇燕趙架上何翩翩行囊露緗縹忠臣一腔血  
萬里同昏曉仗劍出兵燹談之尚驚慄卓哉古人節流  
俗方茲邈 囊有鄒忠介公疏謀梓未就客潛 孤往心自  
遐卑棲頭已掉寒芳涉大江十載遊未了虞嶺饒煙霞  
君來領多少清蔭回涼颺蒼煙何縹緲酌言不覺醺夕  
陽澹林表轉入層巒歸踏踏青雲杳揮手自茲別磻戶

空啼鳥

賦得歌舞閒時看讀書和周安期

萬卷樓中白玉牀  
柳枝桃葉滿春妝  
縹囊尚見梁塵落  
髻几猶飄鈿翠香  
却扇近前移燭侍  
整衫遙立掌牋藏  
應知無限含情處  
不盡嬌歌豔舞場

錢宮詹牧翁邀同林六長汎湖

湖上空閒國老身  
玉璜釣處未收綸  
晴開煙水浮青雀  
晚泊汀洲弄白蘋  
沙鳥傍船驚落子  
渚蓮擎酒勸畱人  
坐中特許分詩席  
不覺胡盧醉吐茵

中秋周子奕丹席素馨素卿二姬侑酒

幾年不到艸堂遙  
離緒歡悰倍此宵  
狂客亂搗花下鼓  
美人細合月中簫  
蘭心灑墨雙團扇  
酒態題詩數幅綃  
盡道風情渾未減  
新愁聊爲莫愁銷

偕張芬男時伯和復飲桑昭伯茅舍

茅檐風日氣餘溫  
不設疎籬與短垣  
水繞後溪清映郭  
山橫前浦翠當門  
花開任客嘗攜酒  
菜長教兒自灌園  
且趁秋光還訂約  
膽瓶殘菊返香魂

何白石寫蘭墨賦贈

白石道人丰骨奇胸藏萬斛煙雲姿閒窻弄墨有餘瀋  
露葉風枝隨所宜思在湘臯與楚澤元氣淋漓恣超忽  
寄情象外天機深得意箇中神致逸美人何處芳意通  
堪笑畫師形似工不恒相似恒時似秋堂之上生春風  
予亦臨池戲相彷彿拙手生疎少心賞對君揮毫疑有神  
坐令眼明神意爽寫罷仍題數首詩坡痕石勢相參差  
攜歸展玩松窻下夜夜香魂攪夢思

飲松月下聽胡白叔誦雪中看洞庭詩賦贈

白叔

能日賦詩  
以醫寄迹

丈人原是閩風之上仙隱在江南林屋之洞天賣藥偶  
然入吳市詩名誤被人流傳今宵遇我松月底炯然如  
見雙眸子珠璣錯落煙雲生四目重瞳何足比高吟細  
詠稱滿卮酒酣各誦洞庭詩丈人胸中吞吐三萬六千  
頃遂令七十二峰不敢藏靈奇恍疑身在漁舟雪篷下  
載酒縱觀將鶴跨我曾杖屨一探幽何似神遊幻出湖  
山價讀罷松風謾謾吟夜闌如爲助清音丈人自有虛  
室之白朗明月地上霜華同照心余有窮愁應萬石乞  
君大藥驅煩積君但浩歌把酒澆予魄不如且飲樂此

夕

嚴子張齋觀商丁大雞彝尊 五首

何年製此大雞尊商廟繇來重器敦清醑載時芳烈遠  
彝章篆處典刑存寶冠不作雲雷刻金距寧同犧象蹲  
莫道先民唯貴質敢將追琢近時論

書垂喪志豈無意如此先朝法物何猶是禹金畱鑄刻  
仍將湯廟薦猗那土花剝蝕何繇出寶色焜煌定不磨  
卽恐質衣都莫惜古來聚散已經多  
彝器繇來好事傳真經鑒識詎論錢鑄從昴日新圖象

欸是湯孫舊記年傳世難倪藏顯跡閱人應笑往來緣  
如君法眼還成癖爲續歐陽集古篇

美好珍奇眼未逢異時物力見淳風盤螭銜得雙環綠  
秬鬯盛來兩耳紅玩供祗愁神物忌琕鏤唯歎古人工  
唐宮漢寢終難祕夏鼎周鬯倘不同

博古圖開鑒別真曾經商祀幾千春神充大冶工於物  
鬼剽頽陵賣與人燒燭摩娑踰丙夜捫尊欸識記丁辰  
沉沉寶氣來相撲珍重司彝莫浪陳

舟中次牧翁韻

翠蛾江上遠凝愁  
謫下仙人十二樓  
縈拂章臺牆下騎  
沿洄桃葉渡邊舟  
西施石在猶畱跡  
玉女盆遺自洗頭  
今日東山傾一顧  
也知學士舊風流

冬夕宴半野堂次韻

芳筵一破美人愁  
玉管瑤笙催下樓  
海外蓬山疑有路  
堂前弱水不通舟  
燭搖夜雨飄簾額  
曲引春風入座頭  
怪道女星時隱見  
却隨河漢影西流

輓魏叔子師時旅櫬北京

高山何在白虹侵  
愁見燕雲萬里陰  
客裏斂車悲遠道  
生前書屋歎空林  
慙無宋玉招魂些  
剩有侯芭視草心  
最是不堪回首處  
遺經身後付沉沉

寄通州胡指水

白狼山上白雲起  
白龍乘之雨千里  
白雲初在虞嶺巔  
一氣遙連吸呼裏  
嗟我伊人遠莫致  
一綫長江春瀰瀰  
憶昔長安春草芳  
酒間落唾珠玉香  
歸來一別動經歲  
安得鞭石填滄桑  
江之永矣不可方  
白雲舒卷空相望

上元有感辛巳

魚米江南價日增  
侯家不信酒如澗  
俗因神賽思分肉

官爲民荒禁放燈街鼓無聲雲暗月夜塵不動雪凝冰  
如何人物熙遊世漸覺年來未可能

上元夜飲

香塵漠漠綺羅叢城市春陰鶴燄空積雪照衣添月白  
寒花向酒借燈紅樓臺密映重簾夜絃管新調一曲風  
但願昇平同此樂六街笑擁逐遊踪

上元後二日飲盛躬約齋次晨貽戈莊樂索和

憶昨流霞醉不辭扶歸依約漏遲遲簾敲凍雨燒燈夜  
鳥喚春晴中酒時紅日滿窗猶戀被東風吹夢忽成詩

起來欲寫烏絲上殘墨輕冰在硯池

送錢爾弢之金陵有感

三首

驪駒歌罷逐江船欲折江梅思黯然行傍酒罏淮水月  
笑攜吟卷秣陵燠友聲谷鳥先傳響文價都人不論錢  
君向春風踏春雪有人夢斷五更前

金陵幾度來遊地此去應多弔古詩青草荒臺鴉噪夜  
烏衣舊巷燕飛時黃旛空說降王第璧月猶傳狎客詞  
只有高皇全盛業莫將王氣寫哀思

想得高皇事業雄年來塵積已重重市中日出多流

殍江上煙生隔遠烽夜雨宮輓消壁粉晨星官署嘯風  
松賈生應有填胸涕曾草憂時策幾封

松石齋雜詠 二首

謾謾濤聲曉夢餘篆煙未蕤髮方梳松皮蛻地投礪火  
不覺清香繞架書

連日春陰閉瑣幃寒風吹盡雪花微誰知點點松坡上  
牆角殘梅一片飛

畱殷大徐三小酌

野蔬濁酒足清歡詩思騰騰興未闌踏凍欲探梅信去

野橋風雪十分寒

正月晦日瞿稼軒先生招山中看梅賦

四首

籃輿一徑入梅谿花氣溟濛萬樹迷殘雪初春全凍勒  
好風昨夜忽開齊夢隨流水疑先到顏是孤山記舊題

齋名小孤山  
爲余書額

莫恨此宵明月盡照人行處玉爲隄

入曉花光動綺寮山中折柬約今朝枝頭正及十分笑  
水面曾無半點飄春透好懷香不散寒支傲骨酒能澆  
幾回疎影相縈處湖上還期放鶴招

孤村盤過北山巒萬玉攢枝十二欄移石壓根宜偃坐

雪屋二集卷二  
三  
古  
築堂齊樹愛平看先春獨有風標迴帶雪曾無骨相寒  
還笑驛牆欹一樹廣平也爲弄柔翰

衆香國裏乞餘閒繞屋栽成又買山夜浸霜華曾換骨  
朝烘雪片更開顏新醅不惜春傾倒舊雨相將日往還  
鼎寶祗今方待薦那容長臥掩花關

附稼翁和詩

四首

式邦

正月晦日集社中諸子歸雲莊看梅辱贈瑤什  
舟次荆谿依韻疊和訂約後晤見於言外  
平橋曲水自成谿宛轉房櫳過客迷凍壑故浮蒼靄

徧寒林直與白雲齊花清巧耐頻頻厄詩好應須續  
續題流想新鶯求友日千章稠綠覆遙隄

最是閑居愛友僚况逢淑氣近花朝寒輕似放三分  
煖藥冷那禁一片飄索笑正堪淹獨坐孤懷聊亦借  
人澆荷香桂馥須臾事畱剩家醅取次招

寒亭突兀俯層巒勝侶追尋凭綺闌古榦自能衝雪  
過繁花原合趁晴看羅浮彷彿非關夢鐵笛蒼茫不  
道寒領略最饒雙鶴在每於風雨振高翰

塵世難偷半日閒悠然朝夕見南山天寒籠袖深藏



手晴旭當窻早破顏隱几繙書從取適攜鉏斲藥豈  
知還開門埽徑延君後便與梅花共掩關

寄懷進士馮仲先

憶昔南舟已六春青雲轉眼一番新人推董仲明經術  
天遲孫弘顯策身題柱漢廷方寵渥函書京雒忽逡巡  
金臺盡是煌煌客媿向君稱同籍人

蔣琬仙明府招遊錦峰與武林陸麗京練水黃韞  
生步至拂水巖登望海墩憩劔門石頂

蕩漾春舟行飛觥雜清話流鶯勝宮徵晴山罨如畫停

橈錦峰岸信步隨所屆陸子欣乍逢遂欲窮目界黃生  
好奇者攜手信前邁罔顧山路險并忘日色曬行喘小  
徒倚步捷後呼喝雙足不敢疲里百恐九敗摳身賈餘  
勇瞪目忽詫怪劔門壁千仞掌痕巨靈搯杳杳頭上天  
兀兀嶺頭砦回峰轉危磴拂水勒中隘巖風逆振衣泉  
涸少沾灑上有玄武宮吳會走瞻拜香火四方集紙帛  
千牛糖整容被酒湧燥吻思茶賣翠嶺山頂岡登頓更  
忘憊溟渤來長飈長江若衣帶回憩劔門石兩湖澄一  
派劃裂儼神斧巧綴疑鑪鞫俯瞰誰措足伯昏垂在外

雪屋二集 卷二  
余乏凌空術且守臨深戒沙艇如遊鳧澗松似植薤遐  
觀信曠哉一豁胸中滯長嘯煙容開高吟塵累解並生  
紫霞想鳳吹此可避我與二三子歡笑無物械矯首招  
青雲舉杯挹沆瀣豈獨暢新歡兼令夙疾瘥回舟再舉  
觴茲遊信稱快

同嚴子武伯半塘野步入花園村

晚色生杖屨出門舒野眺探奇不在遠一徑入深窅  
隴多逶迤平岡互迴遶道旁紛落英籬角低叢篠草戶  
翠葳蕤樹屏青繚繞笙竽起長松絃管弄幽鳥谿泉屢

泱泱麥浪忽淼淼勝境漸引人盤迴不知了稍尋來時  
路夕陽澹林杪蒼莽來目中幽奇出意表如入桃源村  
雞犬無驚擾虎丘已肉市山塘皆酒沼如何數武間咫  
尺仙凡杳生業唯灌園園花供百挑我欲結茅居衡門  
課花老花事忘冬春花香接昏曉綠橘命爲奴黃卷呼  
爲媪歛踪與世隔轍跡門前少

花園村

野人日灌花花畦事刪剗春耕未秉耜市上賣花活路  
出女墳湖落花趁流沫花時試幽步津有漁舟刺

雪屋二集卷三

常熟孫永祚子長著

陳中丞益吾先生招飲柴居

辛巳

先生折節好留賓  
鰕菜鮭羹也未貧  
初樹啼鶯多喚友  
晚春飛蝶尚撩人  
花臺障日青油幄  
水榭從風白恰巾  
天上已聞求國老  
可能高臥作閒身

題睢陽五老圖敬次杜正獻公元韻

清朝簪紱乞身閒  
五老悠然戴竹冠  
百代鬚眉猶刻畫  
一時巾履共盤桓  
典刑自昔風斯邈  
酬唱於今韻未寒

珍重畫圖畱勝蹟耆英洛社後先看

朱以發招同馮仲先蕭公木集徐昭發二株園  
好友幾嘗聚各居天一涯每逢握手會便擬話心期檻  
竹消初暑池荷漾晚颺清歡正無盡爭恐出城遲

林若撫吳廣成訪余半塘寺二首

逋仙標格詩無敵道子風流畫入神曉寺未開煙樹鎖  
敲門恰到兩高人

新泉一尺雨初過老杏千年風四圍汲水烹茶來樹底  
滿階涼影散人衣

半塘寺端如房展開華嚴經

茲寺有二異蓮生雉兒墳寶笈閱血書華嚴十萬文金  
華宋學士了了見宿因開士爲我說大義卓不羣久欲  
持誦間塵勞及腥葷賴此靜息會得遊功德園洗心香  
水海翹首樓閣雲如入大寶藏獲此如意珍如入香積  
廚法味充芳芬法雨施無盡天花落紛紛覆以蓮華網  
嚴以妙香熏願先乞慧斧斷此無明根究獲無上義永  
歸不二門稽首大覺王我應如是聞

恒風終日涸津河奈此三時望雨何翻見凍蠅緣几硯  
但聞乾鵲噪檐阿新收熟麥如珠貴未種枯秧似蠟多  
賑粥禁酤成底事豪家不信尚酣歌

困夏

一榻偏於夏日慵排窗四面透薰濃蓬科絲我耳遲理  
襜襪向人誰喜逢午後黑甜黃妳力曉來清瘦綠君容  
可知河朔轟騰飲不及陶家跂脚農

書能引睡  
呼爲黃奶

錢牧齋師遊黃山歸瞿稼翁移舟半塘偕吳來之  
嚴子張諸公陪侍

畫舫亭亭傍水濱柳陰清晝未成醺羣公讌笑方移日  
末座風流許出羣天上賜環占氣色春來遊屐滿氛氲  
新詩讀徧更衣起猶帶黃山嶺半雲

雲間楊贊皇招同王次涸周逸休飲龍潭別業  
駸駸久識是雲龍今日相邀潭上宮鱗次萬家深竹外  
鏡涵一水畫樓中璇題餞納鈞弦月寶塔飄揚鈴鐸風  
况更主人珍重意玉鱸黃甲薦秋菘

題朱宗遠園居

四首

出郭遠塵事入門生晝涼碧梧無漏日新竹有苞霜  
甃

以陂陁石縈之窈窕廊挂衣聊一坐風送藕花香  
昔曾池上遊逸興比滄洲靜可禽魚適清宜水石幽晚  
蟬風咽斷曉鶴露驚流更愛軒窗外溪塘蘆荻秋  
丘壑非君事閒心點綴殊碧山雲不斷白石水相于戶  
外填車轍亭中列酒壺長楊前獻賦莫笑子雲迂  
盡說園居勝洋洋可樂饑負薪寧久屈折檻自來稀鴻  
漸方儀羽鷗盟且避機 聖朝知破格閒殺釣魚磯時宗  
遠方應辟

送嚴伯玉楚行應祁陽王聘

長洲才子意不得敝裘行吟出金石珠璣不賣吳市盲  
去作王庭珠履客封書昨歲下天潢便擬春風逐扁艎  
客路烽煙遲行役朝來忽報舉離觴船頭紉紉鼓催發  
日弄江煙與江月水檻推篷一浩歌楚山歷歷吳山沒  
巴陵浩蕩漢水清湘潭悠悠雲暮橫輕舟夜向萬山過  
何處斷腸猿數聲君不見長沙賈傳因南徙幽憂空弔  
汨羅水又不見淮王門下客如市退舉白雲徒說耳君  
今應辟曳裾輕赤社分茅桐葉青得傍瓊枝歌玉樹還  
窺鴻寶獻丹經頗聞獻王陳雅樂更見東平爲善樂學

業才華卓不羣賦詩觴咏推君作長江迢遞通銀河莫  
畏前途風浪多寄語到時函尺素蘋花吹送鯉魚波

題汪賓陽孝廉儉退居

固始汪孝廉諱度以儉退居乞余書額云為西  
江萬吉人先生所贈似取鹿門隱書以儉而獲  
罪猶遠乎奢以退而遇謗猶愈乎進之義人謂  
賓陽弘偉之才方連茹以進何取乎此余謂守  
斯戒也即居台輔享萬鍾當無滅頂之患因書  
以贈

賓陽中州彥名下果無虛高才凌紫雲君子將得與奢  
儉不中禮進退又焉如躁進觸藩羊奢淫遊釜魚飛鳶  
墜腐鼠虞氏家為墟黃犬牽東門臨刑空歎歔何如素  
絲風在位勵其餘布被著孫弘賜金榮二疏君今重師  
命長跪乞余書余書安足珍此義良樂胥不貪以為寶  
安步以當車卓哉鹿門隱无咎即有譽

東山酬和賦

為半野翁河東君

吳國王孫金門仙史登玉堂拂蘭綺冠天上之才華攬  
人間之麗魄既離憂而靡託望北渚兮帝子接太傅之

風流陳令公之聲伎列屋今粉黛滿堂今羅綺悅若有  
思黯若無視未有疑豔質於鬼神嫺雅步於詩禮曠絕  
世而獨立妙傾城而可喜者也爾乃感意星妃降精柳  
宿驂青鸞以回翔度弱水而邂逅醜粉黛之容華陋蘅  
麝之芳臭素質凝脂真香拂袖皎今明月寫秋天燁兮  
花枝照春晝容與藝林跌蕩文囿託微波以通辭知不  
可乎遽就詎目挑而心招乃魄動而意授於時東山陪  
屐葱嶺申情唱白雪而遙訂感紅顏以結盟捧上壽之  
觴於椒頌擁合歡之被於書城芳心自許密訊方成猶

有畱連徙倚偃蹇猶夷乍離乍合若信若疑青翰同載  
銀燭未移削玉管而徵韻量明珠以贈遺悵春燈以惜  
別指秋河以爲期帶綰同心恨垂條之尚短煙含青眼  
鎖纖眉而可思分手涕洟遊情鬱滯西谿梅落餘香未  
分仙掌瀑懸素練欲遇浴湯泉懷如玉之溫登雲嶠望  
真仙之御寄愁心以遙緘託芳詞而先赴暮雨不來行  
雲何處於是駕桂檝理蘭航泝洲渚凌滄浪流蘇百寶  
鈿車七香燒石葉以熏路爛卿雲而催裝客星犯斗牛  
之位天姝降井鬼之傍羸女乘鸞向煙霧天孫填鵲渡



銀潢連理枝頭共宿女牀之樹鬱金堂上雙棲玳瑁之  
梁花影拂箋麗句斯在玉聲度曲清音未亡記綢繆於  
三星侍巧笑於一粲刻珊瑚以作枕染翡翠以飾幔陪  
甲帳而橫陳吹乙藜而染翰綠華條脫纖手宵分紅燭  
簾帷蛾睂夜半朱鳥窻前上宮閣畔青青長在彩雲不  
斷恣糾結以攀折情綿邈而泮奐豈若宋玉恍忽於夢  
中江生彷彿象於水上陳思感洛靈而空迴相如擬神女  
而永歎者與若夫誤曲引顧秉燭技文笑倚柳枝而起  
草醉扶桃葉而書裙掌記紆憂於行役援桴賈壯於從  
軍萊公受諫於舊桃學士鼓腹於朝雲莫不紀一時之  
軼事資千古之談芬况良緣之非偶洵佳人之難得鏘  
和鳴於玉簫諧婉變於瑤瑟止禮義而不淫等國風之  
好色倚酬唱於曲房傳風流於通國寧芍藥之盈篇競  
龍鸞之共織雖靡濫於風人亦不傷乎麗則儷玉臺之  
新聲猗彤管之有奕

壽錢宮端牧齋師初度

嶽降生申日郊禊誕契年東華承日色南極映星躔江  
左謝安石洛中張茂先學成王佐器猷贊帝謨篇巍甲

龍墀步絲綸鳳沼還淵雲才似海燕許筆如椽道濟生  
民溺文垂一代傳洪鐘隨叩擊大冶盛陶甄玉鉉資調  
燮青蠅起捷翮德高翻有忌望重豈無顛赤舄居東似  
柴車入洛然懷香空谷媚韞璞玉山鮮北斗瞻標聳東  
山着屐便板輿嘗奉母花洞或遊仙夜月絃歌第春風  
書畫船侍書嬌秉燭掌記豔移牋詩癖閒能註書淫老  
更專弘文昭日月餘墨落雲煙式士模楷久憐才吐握  
虔高山誰不仰大匠總無偏憂樂關天下行藏寄日邊  
祥麟追繡紱威鳳照瓊筵露湛金莖白霜凝玉杵玄節  
符萸莢九歲祝大椿千金鏡丹心在銀絲素髮卷忠門  
傳武肅壽裔本彭篋縱有雲霾日終須楫濟川科名真  
不媿視履正其旋道契松喬上功期伊呂前白雲封不  
住黃閣去朝天

與瞿伯申月下登北固

江臯有秋客蛩然足音寡深夜一叩門開尊劇風雅被  
酒登高岡交加樹影寫孤亭倚絕巘大江流其下茫茫  
江月白不辯渚渼馬地拔山川奇星分斗牛野金焦兩  
拳峰伸臂可攬把瓜步魚上潮甕城鱗次瓦江神踏火

過似見旌旗赭眇目望不極攜手歸蘭若原樹起高風  
波濤半空瀉

九日雲陽道中懷社中諸子

三秋多在客途中此日歸舟又信風時序忽驚重九節  
鄉心應寄北來鴻天涯送酒茱萸綠

祝孝廉秉鐸雲日  
陽遣送菊酒

暮穿林柿橘紅未識故山兄弟好可能高處見征蓬

辛巳十月廿四日爲亡兒履德忌辰已三浹歲矣

悼之

言念亡兒初沒前于今不見已三年招魂羸博離離草

掩目西河黯黯天欹枕未乾長憶淚探環猶望再來緣  
可憐蠹蝕丹鉛褪何忍重開篋內編

村中和坡公北臺詠雪韻

飛來如掌旋廉織擎得深杯未解嚴南日迷雲天雨玉  
北風捲海地生鹽野橋一笠方收棹茅屋三稜已壓檐  
望去漫漫開笑口明朝何處覓山尖  
條封衰柳集饑鴉三尺旋盈屋後車頑石能扶將折竹  
寒梅故勒半開花泥平牛跡鴻雷爪路斷人踪犬到家  
酒熱更需鮮鱠佐擬從冰孔擲魚叉

寶綸堂又和東坡詠雪韻

筵前翠袖攏柔纖片片飛來氣候嚴  
紅火四圍澆趙酒玉羹百沸點吳鹽  
平添夜色明簾閣巧翦春工滿畫檐  
只有詩人芳意暖不愁冰斷兔毫尖

寂寂朝來禁噪鴉馬前凍沒道旁車  
縱橫大地能宜麥飄瞥寒林盡著花  
梁苑幾人能授簡剡溪何處便還家  
酒闌更欲娛清供摩詰芭蕉植畫叉

社中王兆隆蔣晚仙與余同庚後先登第而余猶未遇戲柬之

同學同庚復同里少小才名同鵲起  
羽翼方成次第飛鬢毛漸改參差裏  
如余恐是雌甲辰他日誰爲大戊子  
窮達有命當奈何十年讀書亦晚矣

春甲子晴

壬午

年來荒歉怨天行每簡農書驗五行  
縱有春分連夜雨却忻甲子一朝晴

瞿稼翁畱宿瞻雲閣

二首

岡勢西來黛色間輕舟盤過北山灣  
萬松深處安新閣要看朝南正面山

梅花萬樹白雲浮  
襪被山中夜雨愁  
夜半酒醒風雨歇  
但聞香氣滿空樓

入鄧尉萬峰禪院譚扶風新建大悲殿成隨喜懺事

壇開居士施金碧  
罩慈光燈映千重  
網花熏百和香湖  
龍聽法至山鳥送  
音翔台教隨禪誦  
齋心禮梵王

禮三峰和尚塔

次什菴韻

湖上煙光浴海暎  
漢公宰堵此山根  
機從用處千重案  
意到忘時不二門  
雄力直將生面揭  
婆心猶見話頭存

當年坐破蒲團處  
應向虞山頂上論

登七十二峰閣

殘梅一路入山坳  
又過盤螭萬樹桃  
日晃衆峰浮酒碧  
風排千浪逐天高  
水犀散去皆爲沼  
臺鹿來遊半已蒿  
何似年年登此閣  
快哉一洗鬱斯陶

北上泊金閶招桂姬小飲

去路黃塵汗似漿  
吳姬水閣正風涼  
且將匣裏青萍色  
一醉尊前錦瑟香

舟中小臥

臨發積疲頓下舟忽呻唧珊珊骨作楚漉漉喉少液眠  
食如有妨欠伸頗未適僕本多病人况作長途客驗脈  
乃無傷推星倘有厄賈生日者言卜肆方嘆惜時余薇  
垣宮大火流聲魄朱雀雖矯首蒼龍還奮額吉人坦素  
履天地發神策佩劔清妖氛囊圖利行役中心葆冲和  
嘿鎮陰陽逆何必枚生來陽氣滿大宅

雲陽道中

一路青莎岸乘潮上水來麥秋喧土鼓秧雨潤黃梅漕  
輓開幫去戈船番戍回江南民力困咸賴 聖恩培

晚霽渡江

舟凌揚子津晚日淨江雲杯酒臨風盡山鐘半渡聞南  
徐迎鷁至北固隔煙分擊檝從茲去中原士稚勲

邗關

吳客浮名薄關河事壯行囊書迎紫氣渡馬躍青萍瓊  
觀花無價蕪城賦有聲他年乘傳過應識棄繻生

北征途次

北望燕塵去路脩渡淮鞍馬自揚州腰間匕首揮砧肉  
背上囊圖作枕頭客店俊驢如健僕他鄉美酒似名流

黃金臺畔能收駿莫笑重來一蒯緌

阻雨邵白旅店

夜雨邗溝滴夢長曉來泥滑馬郎當主人埽室重留客  
特蕤安南辟惡香

阻雨界首旅店

淮水蒸雲雨不收依然逆旅客還畱墟頭老嫗新豐似  
可有香膠醉馬周

漂母祠

淮陰城下釣絲收漂母祠堂峙古丘不是英雄恩一飯

漢家猶有憂羹侯

晚渡黃河

鞞劔囊書馬幾馱艤船渡口箭頭波海雲如蓋河如帶  
斜日輕風截浪過

渡河循東路有感

東渡黃河日漸西驅車舊路已全迷中原劇盜何絲盡  
北道援兵尚未齊健客征衫韜羽箭書生佩劔掛輪蹄  
中流夙有澄清志半夜劉琨共聽雞

絲沙河至黑林

雪屋二集卷三  
沙河北去黑林西歷歷晴山送馬蹄細石沒沙坡上下  
平原依路黍高低古墳獨樹呼乾鵲荒店炊煙唱午雞  
唯見征鞭遙指處野花狼籍草萋迷  
小諸城村店驢車曹嶺口全  
店驢驟鈴聲曉夢斷還又微雨洒征車輕風吹短袖頓  
忘暑月苦旋覺山川舊古道多逶迤平岡轉糾繆野花  
紫紛籍原草青覆冑棗樹列成行黍苗森已秀細石亂  
縈沙淺灘時出溜春秋魯諸邑落落數家瘦歇馬山店  
中炊煙猶未晝

穆陵關

雨後草木秀迎人風獵獵千山蒼翠中六月御單袷雲  
氣衝車來蒼然濕書笈穆陵何處關望望煙中堞

過破車峴

大峴設重險行行漸岌業阪道互縈紆磐石仄隘陜熱  
氣毒上蒸飛鳶墮跼跼稍移日中影觸石生雲葉不盈  
膚寸間川原已沾滉淖水奔流沙荒煙出古堞緬懷劉  
寄奴師行從此涉有險旣已度遂喜南燕捷先算在掌  
中功名開大業徒作戶牖觀焉能守筐篋中原多戰場



勝負係轉睫策馬信前征匡時將何挾寓目山川奇雄心撫短缺

雨後過穆陵關

莒城路入碧雲寒馬上貪看雨後山鳥道重重蒼翠裏南來已過穆陵關

晚宿山店

阪道雖云險縈紆已漸過海雲連嶂合澗水入田多白鳥窺山果青驪踏野莎晚來何處歇茅店在前阿

臨胸道中

路繞荒岡幾日程淺灘危磴信前征馬蹄古道侵朝雨牛背殘陽帶晚晴沙果摘來多異味礪花看去不知名穆陵關北南來路漸近泱泱渤海城

曉發臨胸

半山日影半山雲雲日曛曛曉不分我欲停車開紙筆墨痕濃淡寫皴文

途次示扶風

後車欣共載前路愜遐征買飯淮陰市停酤渤海城吳鉤能識氣燕駿欲收名借問平津客何如洛下生

道傍齊桓公墓

瞥見齊桓墓猶餘道上碑  
雄風東海盡霸業一丘知野  
馬嘶荒草饑鳥噪晚陣行人自回首  
不忍憶蟲尸

齊景公墓

身同千駟盡猶剩一荒丘  
渤海觀何壯牛山涕未收遺  
弓經劫火懷隧牧耕牛身後誰收葬  
師乎不與謀師衆也指衆公子也見左傳萊人之歌

曉渡淄河

喔喔雞聲跨店羸  
曉乘殘月渡淄河  
煙中回首青齊勝

路入千峰客裏過

青州道中有感

路闢東隅過峴行  
西方羣盜尚縱橫  
曉征未見旄頭落  
夜夢如聞鼓角聲  
北海魚鹽猶擅筴  
中原雲鳥正交兵  
書生誓有澄清志  
願學終軍一請纓

滄酒二首

五茄皮酒出高郵  
琥珀真珠淮上頭  
珍重長途莫多飲  
料量筒釀到滄州  
沽得滄州酒數升  
渴喉冷吸勝凉水  
刁家醇耐應何似

雪屋二集卷三  
恐到京華浪得稱

再題新中驛店壁

棗樹成行夾岸楊  
來從瀛海不曾涼  
毒龍銜火燒天赤  
羸馬拖沙刮地黃  
旅店舊題猶在壁  
故鄉殘酒一停觴  
鬢華漸改紅塵道  
尚向邯鄲夢裏忙

新城道中懷古

督亢輿圖古戰場  
荆卿遺事舊淒涼  
垂楊半秃臨官道  
荒棘連叢出女牆  
猶見白虹騰易水  
但看斜日落咸陽  
千秋俠烈憑回首  
贏得征途一慨慷

涿州道中二首

一路平沙颺去程  
驅車涿鹿壯哉城  
遙山消盡蚩尤霧  
鳳舞龍翔到帝京

草青沙黑野茫茫  
古堠無人半土牆  
鬱鬱皇都紅日裏  
休煩行路指樓桑

入都

策馬爭趨汗如雨  
風衫涼帽征夫伍  
皇都鬱鬱何巍巍  
流水車輪起塵土  
遙望九衢道冠佩  
絡繹來丞相火城  
呵路開列侯羽騎  
獵原回旁觀六街市  
百貨填香塵

渡海賈胡碧眼神衝人豪客黃衫新竭來正值朱明夏  
書生躡躡何爲者意氣如龍凌紫雲徒行不讓當街馬  
賦成莫作長門賣紙貴方餘洛陽寫休將秋鬢憶華顛  
老驥奮足嘶風前中原逐鹿捷先得陰山射鵬巧更便  
書辭東閣招裾謝侯門曳且把毛錐穿月脇虎觀諸儒  
縮鱗鬣君不見鷓鴣徙溟龍起螫

賦呈少司寇徐虞求先生

秦道方升慶得朋夔龍高揖讓先登

時房海客宋九青以枚卜事謫官虞

翁獨先疏辭

納言自昔王喉舌邁德於今帝股肱白氣已無

搖貫索丹心唯有射觚稜鯁生曾讀尚書傳拜手賡歌

獨首稱

文宣師廟石鼓文

周家天子正九葉雲龍九天神武姿明堂大開覲羣服  
會獵却扼中興機駟乘鸞旂振山嶽張弧挾矢飈電移  
擊鮮刺肥賞扈從風旌獵獵威四馳猗歟盛舉何所記  
載筆史臣前獻辭仁聲義問妙揚厲章句稍溢車攻詩  
銘鐘勒鼎亦嘗事相與刻之石鼓爲石鼓敦重質無比  
籀文千古稱絕奇秦碑漢碣何足數對此法物應磨治

世界滄桑市朝變此石舊沒陳倉基至今一鼓陷作白  
野人曾此資春炊三代蝌蚪僅存爾雖經剝蝕天所持  
前朝帝王不敢褻移置孔廟屹鎮茲孔靈夜且倘出入  
如見昭代東都時我來摩挲石鼓下徘徊嗟嘆立久之  
古文奇字笑揚子小篆旁行嗤李斯鑿閱大開千古眼  
摹勒不敢一字遺老檜森擎龍偃蓋雄碑屹立龜伏墀  
土埋雨蝕幾千載宮牆乃見神明司夏鼎備物禦魑魅  
商彝薦廟歌那猗石文頑璞有何好萬世瞻仰無異詞  
天子正昭同文治書生欣見蒼頡師鄙章率爾繼韓

子何人更說磨崖碑

報國寺雙松

何物蒼龍擘天下雙雙入地生根株風雲一日動鱗鬣  
雷雨百年張髯鬚舒爪擎拏佛瓶鉢偃身拱伏神殿堦  
崢嶸元氣壽盤古奇鬱精靈撐國都翠蓋低垂欄楯  
架青旄散作旌幢敷鼓鐘晨響互酬應梵唄夜聲相答  
呼直攬天魔雲外駕似迎獅象空中跌乾坤神物尤乃  
擅日月精華老更腴木魅山魃見藏匿天神地祇來護  
扶寺門頻繫達官馬檻石每攜騷客壺結座小涼到夕

照穿城太早忘朝舖婆娑不敢出吟咏坐臥聊用規形  
模霜皮閱盡往來客鐵幹受生清淨途夏社殷壇亦已  
矣徂徠新甫胡爲乎號封莫受秦官辱長爲神京壯  
帝圖

余性不喜醋戲爲解嘲

教倉粟爛蒸醢團槽紅一滴桃花酸世俗往往愛達臭  
當前噦惡肴欲攢人唾我性胡獨爾五味毋乃缺一端  
口爽總腊毒五味嘗一般余本嗜淡人不作酸徠肝誰  
云木仁君子嗜豪氣欲洗儒生餐君不見孺飭老蔗甘  
可悅那復苦辛人喜歡苦辛可耐酸難耐任君蝨口蹙  
鼻呶呼乾不與措大爭曲直且待鼎梅薦實和春盤

京邸醉述

胡琴碎却五都驚一夕聲華溢帝城日近紅雲開且  
色鶯啼綠樹滿春聲獻書嬾入平津閣草檄羞歸細柳  
營堪笑五侯門館客但將唇舌擬君卿

夏宴田國威第

博山煙炷水沉香初過中庭雨雹涼歌吹自翻新樂府  
膳膏纔賜大官羊池臺高樹凝陰洞簾幕清風拂羽觴

莫怪恩波天上溢漢宮日影在昭陽

遊西山碧雲香山諸刹

京塵飛濛濛香界邈西岫引領白雲重一鞭馬羸瘦玉泉瀾瀾流灌木森榮秀碧巘凌高霞青蓮結靈構至今松梵音猶帶迎鑿奏秋氣中天來蒼然滿襟袖回首夕陽微山鐘數聲扣

宿嘉禧寺遲馮躋仲馮沛祖不至

幾訂看山約難借是勝遊空懷蘿月夜相隔帝城秋瘦馬疲登頓清猿嘯侶儔誰因寄風便呼共碧雲樓

龍王堂和劉司馬壁間韻

路轉蹊橋去松風淨晚煙千崖蟠古木一壑寫秋天瘦馬馱殘酒寒僧拾莢錢法堂新雨過昨夜起龍眠

題平坡廢寺

坡形真斗卓寺額半塵埋老樹餘僧臘祇園有劫灰饑鳥窺石鉢妖虺出經臺策馬斜陽外山樵引徑回

題祕魔巖寺壁

下馬探幽徑蒼茫何處鐘亭臨秋壑迴寺隱夕陽春破石龍歸洞巢雲鶴下松區中有靈祕應許冠諸峰

一宿承恩寺

山靄斜陽裏來依禪榻平雨餘沙界潤月上道心清松  
院淨苔色竹房深磬聲中宵通夙悟猶此事浮名

碧雲寺泉

入山尋古刹泉脈昔曾聞一綫石根出千重松頂分池  
涵功德水樓藹吉祥雲偃坐深篁裏悠然到夕曛

遊石經山

一名白帶山又名小天竺

磴道陂陀上幾盤瓊瓏洞穴一凭闌渾流下遶桑乾水  
峭壁天開白帶山梵宇霞光青碧裏帝城雲氣鬱葱

間老僧對客仍歸定占斷靈峰鳥自還

憩香山寺來青軒爲

神宗聖母書額駕曾兩駐

此

四面青峰帝釋宮

鑿輿曾駐此軒中龍蛇日麗奎章

動雲漢天昭睿藻雄祗樹餘金猶布地空山清梵似呼  
嵩 先皇已自仙遊去草木於今尚鬱葱

祕魔巖

洞門幽絕老松杉壑底看松夕照銜策馬祗疑無路入  
白雲封却祕魔巖



香山寺

梵閣高臨北斗邊  
來青龍藻出諸天  
餘薰滿袖飄空界  
玉座猶疑未散煙

淨德寺對清長老乞題

一鞭秋色翠雲重  
入寺涼陰面面峰  
僧榻不知淹坐久  
數聲清梵落長松

玉泉山

石脈稜稜不斷流  
銀泓一道漢宮秋  
石鯨度作天家渚  
應有題紅出御溝

玉泉山泉

玉河水出山下源  
一泓瀰瀰茱萸繁  
石稜剗剗鑿鬼斧  
石竇嵌空畱仙門  
行宮故殿邈何處  
但見玉泉聲沸流  
潺湲稻畦柳岸花  
樹原瀟灑儼似江南園  
紅塵隔斷幾十里  
高梁橋外無囂煩  
從茲流入御溝去  
不照行人照宮女  
洗妝浸作香水溪  
戲渡還凌石鯨渚  
天家夜靜秋思涼  
一葉題紅去何許  
去去崩奔無盡頭  
涓涓不管人間愁  
老龍伏地噴不竭  
長護銀泓萬古流

京邸雜言 十二首

蒼龍闕下九街馳路上飛塵撲面吹夾馬吏人持大扇  
不知誰是障元規

車如流水馬雲屯  
棨戟彤軒異數恩  
國母宮中風節  
儉外家休過濯龍門

無故埽門侵早起有人入幕任風吹  
可憐結友皆名下  
盡向私家賈謚兒

袖裏彈文將虎鬚  
驪龍鱗逆護明珠雷霆一日當  
廷  
辯局促爭看轅下駒

五色雲低便殿開  
聖人終日御平臺  
小臣爭進匡時  
策誰是當年賈誼才

聖朝獻替豈無違  
天子躬親攬萬機  
倔強老臣猶似  
昔不將國是媚  
天威

廷二臣對云可  
否司之部院  
總憲劉山陰家宰鄭建德有  
所論執帝云威福出自朝

九關魚鑰寂行人  
察院傳呼探閱頻  
臥榻有人方鼾睡  
馬頭空向夜街巡

豈是山川蒸玉氣  
誰能痼病發金針  
揣摩高下規時智  
諫草於今有市心

番兵已進桃林口  
候騎猶援杏子牆  
薊鎮到京三百里

雪屋二集卷三  
破時烽火不曾揚

龍塞鄣亭多故事玉門節鉞亦胡盧  
長城若有當關者那使生靈百萬枯

樓護雄稱門下客灌夫怒發酒間狂  
書生自有迂疎骨不入侯家曳履行

止計方言鉛摘槩閉門奇字酒盈尊  
寂寥揚子應多事猶勝流塵逐馬奔

雪屋二集卷四

常熟孫永祚子長著

李豐城侯復爵

壬午

汗馬功高檠戟門綠沉槍臥砌苔痕  
賜書舊共河山

誓封爵新承雨露恩  
聖世絲綸應得請故家弓劍自

長存報君正值殷憂日未  
敕征胡氣已吞

小侯

雙龍卷首舊冠裳玉帶橫腰玉面郎  
金埒新調紅叱撥翠盤對舞紫鴛鴦  
牀頭被襖書無恙袖裏玲瓏石不償

欲向城東獵原草試彎羽箭射天狼

下第

破釜沉舟氣已并秋風又復落時名懷家難縮三千地  
塌翼休論九萬程無力怨天輸計策有時憎命卜年庚  
京華何限高軒過羞指牀頭折脚鐺

都中馬上

征鞭初息影眼倦帝城秋朱紱羞同學青衫怯壯遊  
骨高韓愈馬芻倍景升牛有客來相慰先生一蒯緱

九日高郵宗弟孝則泰州陳子明清河汪白生偕

扶風集酒館

海內交知落托多散懷無復陟巖阿爭傳詞客花間集  
漫學佳人金縷歌太白酒家呼不起君平柳巷憶相過  
長安多少高攏馬一日顛狂奈我何

贈別蔣南陔謁選建寧偕譚扶風王開度南歸

黯然魂斷送君觴握手無多又出疆鴈背西風初雨雪  
馬頭南路正迎陽關門歲晏傳烽急山驛宵分倚劒長  
爲語故人新政最天家禁近重循良

時縣令奏最  
俱擢詞林

送別葉水脩

雪屋二集卷四  
十年空自賦三都裘敝驚看載道駒不學相如逢狗監  
漫希方朔讓侏儒鄉心正逐隨陽鴈旅況應同繞樹烏  
揮手河橋何以贈朔風霜柳半殘株

與朱子舒旅飲

道上驚霾暗窻中斜日融話深鄉國夢興劇酒杯雄細  
磔堆蓋綠寒蔬擘脯紅他年評出處應憶旅懷同

部試授司李呈文選郎羅宏菴

萬杰老師三首

洛魄聊爲耳公門桃李殊搜材唯竹箭辨駿必駒駝何  
題明月相看在玉壺 聖朝雖破格且欲問真吾

夙聞懸水鏡品藻重連城玉德溫而栗冰心湛以清暗  
中真氣合格外異光生小草非吾事因之且自盟  
菲才慙鳳羽上選託龍門止水無私照成蹊不在言  
國恩昭異數吾道待時騫知己何繇報修能忝素敦

上鄭玄嶽冢宰

時授司李未謁選

東山特起斗杓司北闕高名四海馳清簡得人今水鏡  
老成謀國舊元龜非才已入山公啓一顧空慙伯樂知  
敢向龍門附桃李尚餘壯志報恩私  
偕客飲長安酒樓

鸛裘常貰酒壚頭客邸相逢共出遊日暮旗亭風雪裏  
美人若箇唱涼州

長安旅夜

昨日春官首姓名鄉書隔斷在燕京甘泉烽燧通宵色  
金馬公車倦客情向火少薪膚瘵見出門無馬足眠生  
漢宮不買長門賦那得壚頭酒債輕

與王敬哉史赤豹鍾叔舉徐闇公劉濟甫楊冰如  
諸君結社長安

四海同聲客京華握手期文心看意氣古道照鬚眉啼

笑非無謂談言盡有爲芝蘭香始合龍鳳目多奇結騎  
傾新識遷鶯洽舊知無雙題國士有道歎吾師冀北驂  
驅步天南竹箭姿綸巾諸葛髦油素子雲齋怒割騎奴  
席欣披閨戶帷承蝸慙疴瘦索米誚侏儒狗監羞名字  
牛衣笑涕洟聲華洛陽紙氣槩鄴中詞捫蝨餘雄略雕  
龍擅藻思五星東井聚七斗北杓垂赴國簪初盍登朝  
石不移莫言烽火急毋暇用毛錐

燕邸承陳水部時兵垣王孝廉諸相知慰遺柬謝  
雪滿長安高臥時門前誰掃慰窮知塗泥自笑鮒魚涸

雪屋二集卷四  
谷汲多君腹臘遺賣賦祗堪還酒債就官未是致身期  
天涯幸託雲霄誼伏櫪西風尚有思

徐大司寇寶摩先生惠黃鼠大鯽柬謝

雲司廚饌也清虛方物親傳一紙書黃色兼斤關外鼠  
白肪三尺市中魚漫勞周國會題璞何用馮生更歎車  
自是先生調鼎味肯分一七到寒廬

臘月十九日立春

客窻曙色起遲遲聞道青郊簇仗移瑞日先融鳩觀雪  
晴煙已動玉河澌塞蓋臘底仍裁碧  
賜餅朝來未滿

匙不是太平春宴廢山東正在合圍時

除前三日贈別朱子舒赴晉撫蔡雲怡先生幕

城外驚沙虜南下行人路斷膏塗野君今歲晏將安之  
蕭蕭行李嘶班馬送君揮手城西門同雲壓城日欲昏  
曉來雪滿關山道蹠躐凍蹄何處村鞭影離離指西去  
鴈門遠隔滹沱渡新年照鬢隴頭水日暮停驂太行路  
路上官兵到處逢公然劫客馳西東北門鎖鑰賴寇準  
細柳旌旗應不同我有寶刀忘贈別歸來一泓仍挂壁  
清光照室如照君願化雙龍擲君側君去晉陽行洗塵

轅門迎笑日相親京華尚有相思客莫戀天邊塞草春

京邸除夕偕王兆吉赴時兵垣守歲之飲 二首

帝城殘臘逗春光且共春盤取次嘗客裏歲時驚序改

天涯朋舊話情長燭花映面三更酒蘭燼熏心百和香

不是朝天君欲去便將直接歲朝觴

停杯忽憶徧烽煙旅客心驚守歲筵斷路諸侯違 觀

典當關大將怯籌邊早朝誰慰殷憂 聖私祝還祈厭

亂天憑仗廟謨收勝算捷書指日奏甘泉

人日 癸未

年年節 聲催 帝里新逢人日來望信尚遲歸塞

鴈 題詩說 望梅東風柳陌吹韶令北地花枝借暖

開莫怪春愁澆不散朔氛南牧未曾迴

燈市

鳳城雲日自光華燈市人煙走鈿車油壁露妝紅袖頰

酒樓含笑碧窻紗宮斜舊出傳金盃海客新來汎寶槎

數里香塵看不足馬蹄歸踏月隄沙

春分雪

柳垂金縷寂宮鴉門外霏霏積玉沙風片打窻驚淺夢

雪屋二集 卷四 六 古 齋



日絲承袖濕輕紗客中何處能忘酒春半那堪更憶家  
只有長安女兒好朝來醜面祝桃花

誅失事者

內地縱橫鐵騎嘶誰持節鉞薊門西頭顱抱得真成鼠  
頸血衝時不值雞漢代尚存三尺法秦關空說一丸泥  
帥臣若箇封疆士 天子勞勞聽鼓聲

大司寇徐寶摩先生去國次元韻賦贈 四首

出處高名重泰山歸歟誰更濟時艱臣心若水壺同徹  
天道如弓月與彎漢代持平丹筆下虞廷執法白雲間

聖朝何事難容直畱得清風激懦頑

煙柳濛濛滿 帝都歲寒貞操獨應殊身違日月懷明

主道壯山河識丈夫偶見浮雲過 御仗豈容冥翼落

江湖越王臺畔春歸早尚有啼鶯亂鷓鴣

光銷貫索剩欃槍去國身輕心更長金鏡未忘丹旻獻  
赤松權謝袞衣襄雷霆 聖世無終怒漁釣江南有舊

莊莫道官尊餘俸在料量明日鶴資糧

茗水鴛湖幾秫田先憂後樂豈徒然四方吏計雲埋騎  
十月胡塵雪滿鋌載救臯陶扶旦日卽還司馬侍爐煙

聖明欲慰蒼生望五色從看線補天

陳益吾先生擢少司空喜寄

天子疇咨若予工東山特起貳司空水衡錢出爽鳩氏  
括象圖開玄武宮驛路鋒車迎朔雪朝廷補袞待清風  
敵人也識中原望來辦成周奠鎬功

喜李仲舉何予九見過

二月長安雪擁門天涯相見便開尊鷓鴣賤典春醅去  
鴈鶴寒呵凍硯存書就自看疑北海詩成人號似西崑  
邇來喜立粉榆社一醉堪蘇未斷魂

送孫魯山先生督師出都

詔書昨下大明宮天子親臨敕護戎策馬朝馳春雪  
霽傳烽夜戰陣雲紅旌旗已換臨淮色裘帶猶存叔子  
風兵略自來多算勝佇看社稷荷成功

寒食日邑中諸子社集

燕子飛飛社日晴又聞天氣近清明禁燴時節春燴滿  
過客光陰旅客驚晝永似聞花外漏風和徐送柳間鶯  
故鄉朋舊他鄉酒不勸千鍾也不情

蔡穎生納姬

東風二月不禁狂君爲尋花蝶似忙春淺小梢含豆蔻  
露濃初辦卷丁香青鸞過海來傳信靈鵲先秋渡作梁  
憐殺天桃根葉好便將結子在紅房

宴陳梅臣水部公署

長安市上拂塵纓齋閣開尊眼倍明列柏畫分宮樹色  
啼鶯曉帶上林聲三千里道同鄉夢九十春光費水衡  
一笑東風揅醉去馬蹄飛踏落花輕

偕翁時二給諫出都夜走固安

鐵騎當頭十里營鈴聲不起夜兼行招搖卷旆如風去  
太白生鉉似月明暗裏草荒趨間道曉來樹豁見危城  
畿南半載征人斷野燐時時馬足生

馬上二首

壯心未已賦歸來回首燕王築隗臺馬足驂驪山雨過  
魚腸繡澀暮雲開舊經州縣餘紅瓦新踏丘原半白堆  
亂後瘡痍真極目不知誰是救時才

一路風沙點角巾衝開戰馬客相親野鴻散去菰梁少  
遼鶴歸來華表新有道身逢明聖世無端眼見亂離  
人賈生空抱憂時涕表餌疎謀莫浪陳

德州道中苦熱行

祝融噴火燒天黃，征衫汗浹如沸湯。沙塵滾滾亂撲面，  
一陣風吹靜綠香。行人暍喉煙灼齒，轆轤轉出井花水。  
清冷入口肌骨涼，又過古條三十里。江南此時鬪茗芽，  
紅櫻白筍蘭綠花。快閣桐陰日方午，那知烈日長途苦。  
經阜城往平

馬上望嶽

一路荒荒睥睨平，晚風斜日信前征。虜營甲騎烽煙地，  
霸國山川草木兵。劒倚白雲天北嚮，鞭橫青岱月東生。  
祗憐立馬歸何處，細數殘鴉陣陣驚。

單家橋

斷橋流水馬駢駢，白鷺看人靜不飛。一路平沙塵土面，  
忽令人憶釣魚磯。

入濟

濟水往來道河壩，長短亭梅青蒸暑雨。魚白上沙汀，馬

足塵初歇鄉心夢易醒乘流從此下不復逐浮萍

淮船

淮船少婦哭如訴咽咽嗚嗚到天曙  
鮫珠滴處水不流頓令江樹迷煙霧  
夜來旅客臥扁舟倚枕聽之愁更愁  
未斷柔腸轆轤轉水花苔繡澀吳鉤  
潯陽江上琵琶泣赤壁山前洞簫咽  
飛來淒韻總關情海雲江月添愁絕  
可憐水上凌波仙曉夜臨風倚舵舫  
何事嬌啼驚夢斷楚陽雲雨隔吳天

古城謁三義廟

太白西流古戍城黃河東注拍濤聲  
海風入夜靈旗捲淮月迎神燿火明  
荒廟金戈聞出入重關鐵甲憶平生  
而今滿地餘征戰惆悵英雄到五更

清江對雨柬翁時二給諫使漕

長淮風景未全非梅雨蒸衣漠漠飛  
浦口煙波官渡闊江頭烽火客船稀  
黃河瓠決流難復遼海檣空事幾違  
一綫漕渠軍國計諸君濕淚竟何揮

午日金閭畱別時修來督漕江右

追隨使節到姑蘇正汎家山午日蒲  
南下競傳長命縷

北來應佩碎兵符風塵馬足餘鄉夢煙雨船中尚客途  
惆悵吳天分手處儲胥已見尾銜鱸

華蕩舟次望見虞山抵家有作

漂淼煙波是故鄉晴巒隱隱帶斜陽山容似笑歸何晚  
城脚先愁到已忙秋鬢風霜添有幾春官名姓遲無妨  
老妻稚子迎門喜且進新炊麥飯香

松陵舟夜

日落如胭紅月出如黥黑獨餘中天青界斷一縷色雲  
脚從風舒舒作孔鸞翼滄波濯纓塵行役淹水食坐對

吳江楓亂螢點鴻鴻仰天一長嘯迢遞秋河直

海鹽舟夜

何意頻爲客飄蓬到處鄉孤舟明月夜一笛早秋涼海  
國濤聲壯谿橋樹影荒況堪蘆荻渚淒切有寒螿

平湖柬陳階六明府

淮海元龍氣若何高名較更與樓多雄文扛鼎出精銳  
異政載碑餘頌歌湖水鏡天清映綬桃花封縣錦行窩  
猶然未是棲鸞地指取鵬鷺上諫坡

崑山朱以發齋集謝震生葉水脩顧諱明歸玄恭

雪屋二集卷四  
柴集勲諸子

今夕是何夕故人羅豆觴酌言酒數巡蘭燭繼餘光席  
中者誰子天涯弟兄行或從京華別或隔水一方各念  
從來意餘情如水長披襟豁談笑撫劔增慨慷濟世各  
有懷肉食方處堂酒闌數起舞吾黨非荒唐且盡今夕  
歡利器隨行藏

顧諱明齋集朱以發葛瑞五王錢生陳明仲顧流  
玉仲莊諸子

簾捲秋堂桂半開綺筵何意集羣才玉山正對烏衣第

銀燭爭催白鳳杯座客賦成流水接從伶歌起遏雲來  
不知太史曾占否恐有星文聚上台

西湖飲朱雲子寓樓

停歌行路難握手故人歡湖上煙雨夕樓頭冰雪盤暗  
燈剪落燼殘酒溫餘寒共出新詩詠何知秋夜闌

陸鯤庭貽旃鳳堂集柬之

文章自昔稱最雄牛馬走有太史公千秋作者誰其繼  
當代班生空異同昌黎六一出精銳力盡庶與堂庶通  
湖上雲間後先陸雲龍駉駉騁絕足越西才子今鉅公

東馬懸車來逐鹿  
蜚蜚先登奪赤幟  
爭長中原餘碌碌  
海內何人尸祝禘  
宗工尚有彭錢系  
歸來一叩龍門奇  
豈惜衙官與奴隸  
君今霸事看已戍  
斯文南面稱東帝

渡湖

樺子梭船蕩槳開  
湧金門外六橋回  
山腰忽見雲頭合  
湖面先拖雨脚來

雨中渡錢塘江

湖平沙落片帆風  
安穩錢塘渡已東  
忽有雨聲如弩發  
一時萬鏃射江中

過會稽東陳臥子司李

才鋒豈復有前茅  
名跡將齊斗杓高  
執法不驚炎夏烈  
祥刑如渙首春膏  
東方竹箭充門屏  
北闕除書最吏曹  
記取中興賴良佐  
始知海內一人豪

上劉念臺先生

四朝耆舊斗山望  
師表人倫大直方  
滄海橫流存砥柱  
日中菡斗出光芒  
天威赫赫無終怒  
國是稜稜有左綱  
却笑當朝槃劍客  
何如吾道合行藏

上李玉完中丞

舊督學吳中



桃李餘陰舊感恩至今知遇負題璠名非甲第慙頭責  
身尚蓬蒿賴舌存日月牢愁探禹穴秋風羈旅託龍門  
餘芬敢借吹揚力暖律應教谷黍溫

蕞山晚眺

晉代風流山寺前右軍猶有牧鷺川遙天草木千峰日  
近郭樓臺萬井煙脩竹蔭畱蘭渚襖采菱歌起若耶船  
秋風蕞草應消歇目斷登臨一概然

臥龍山懷古

臥龍岡繞舊城隈登眺於今首重回埋碣不知文種墓

枕山何處越王臺鏡湖水淺生菱芡蘭渚亭荒半草萊  
爲問宋家南渡骨六陵風雨暗天來

題張氏陽和書院萬玉山房

臥龍岡足磴三盤嘉樹陰陰甃石寒一水練光浮屋棟  
萬山屏翠繞闌干開房壁下通幽夢推枕窻中盡大觀  
那更秋清送餘響風篁个个碧琅玕

感悼倪光祿三蘭先師兼貽爾徵爾詒諸世兄

當年決起在榆枋一顧恩霑上國光桃李蔭餘垂感刻  
泰山頽後失瞻望大名不假侯芭傳小草空荒陸氏莊

今日浪遊尋世講秋風還藉慰淒涼

高樓怨

高樓少婦飛瓊仙雲窗霧閣靜且娟胭脂餘紅黛十斛  
磨作丹青水墨燵昨夜西風素縷凍曉來自掃眉痕重  
青春夫婿新別離玉管凝愁寫秋夢

恭謁禹陵

大禹南巡東復東蒼梧淚竹鼎湖弓曾瞻河雒思明德  
一上塗山紀治功碧蘚蒼苔畱窆石玉函金簡護藏宮  
還從秦望峰頭立縱有豐碑沒草中

遊南鎮

午散秋陰日未中空山一路綠重重古松偃蓋紫藤合  
叢篠編籬黃葉封樵徑側通宛委洞鎮宮前對香爐峰  
何時襍被重遊此聞說仙靈有夢逢

中秋月蝕

八月中秋夜三五老蟾蝕月不復吐桂輪忽盡祗晦魄  
更二直交更四鼓庶人馳走官長拜雲紈天昏黑下土  
小時曾記盧仝詩咄咄愁天一日瞽萬國如在渾沌初  
天邊何物撐腸肚奔星竊藥舊靈婢此夜應教受辛苦

一綫光蘇雲影中妖墓脫落兔跳舞廣寒宮殿虧不虧  
我有仙人修月斧

題祁世培先生寓山園 三首

主人出山去山上餘白雲雲向石根起山從水面分樓  
臺見倒影花藥聞幽芬弄槩采菱渡悠然忘夕曛

天地總一寓乃以名其園剷土露山骨疏泉醒樹魂晚  
風渚蓮落秋日田禾翻不敢驚羣從休題鳳在門 時奕遠昆

季在客

梅真市朝隱此地猶得名源水引漁棹丹丘結仙楹蓉

菊向我笑鷗鷺隨人行幽構一畱憩林塘初月橫

賦得滿城風雨近重陽

滿城風雨近重陽況復淒清遊子腸篋未授衣催剪尺  
門無送酒質縑緗黃花自綻籬邊榭綠水應通郭外航  
明日擬登秦嶺望故鄉兄弟幾萸囊

倪爾徵送酒至

嬾上龍山落帽臺籬邊細菊向人開他鄉誰慰清秋興  
却有王弘送酒來

錢還淳長史宅觀女優醉歌行

後堂濃麝香風和雙鬟小小肩相搓十三不足十二多  
乳燕試舞新鶯歌紅綃翠袖織縞拖轉腰垂手名天魔  
徐徐發喉粲齒瑳真珠不換圓陀陀梁塵上激雲停過  
金盤方薦紫釜駝燭花屢剪起娑娑曲房原是仙行窩  
座間況有孟姜娥太真豐臆文君蛾調笑風流狂欲那  
主歌未央客已酩美人起勸雙叵羅中庭新月流明波  
不醉其如秋夜何

入樵風涇

船頭楓葉映溪紅涇口誰爲拾箭翁我欲雲門訪山水

往來應許趁樵風

過射的山

俗呼獅子巖

疊疊煙巒入野航溪邊無復浣紗妝遙看白的巖頭石  
猶說仙人舊射堂

至平水市

五雲山下衆溪斜平水橋東舊若耶小市人煙雞犬蒼  
此中多似避秦家

暮入雲門

小艇輕於葉丹楓面面翻晚煙迷草市秋水入花源落

水千峰宵空林片月昏鐘聲何處發遮莫到雲門

遊雲門寺 四首

佛龕清夜一燈然話到無生靜不眠窗外雨聲飄木葉  
牀頭雲氣滃茶煙辯才已失蘭亭蹟杜老重尋布襪緣  
記取谿山最深處千巖萬壑寺門前

繫得芒屨到處便僧攜藤杖卓雲煙山中飽食青泥飯

石罅鮮烹白乳泉荒寺草迷餘宋構雲門有六寺明覺  
已廢普濟慈雲僅

存廣孝顯聖猶盛  
唯雲門巋然古耳斷碑苔沒記秦年秦望有李斯  
碑篆今已沒高秋

欲盡登臨興正值輕陰薄日天

寂歷深林鳥一鳴寺門依舊雨花平穿雲石磴連峰影

過雨溪橋半水聲樵擔日斜收苦楮僧廚煙起熟香秬

秋山處處畱人好尚擬青鞵幾日行

峰迴溪合石橋滑第一天南是望秦遺社尚存盤古木

住山多說六朝人前涇拾箭畱飛鏃東海投竿剩釣緡

何日采真遊不返葛洪仙井自秋春

又絕句二首

深山古木路重重欲訪雲門何處鐘拄杖老僧相問訊

石橋南畔翠微峰

雪屋二集 卷四

古齋堂

秦望峰高碣已殘松間捫得寺碑看月華正照霜華重  
羸取空山襍被寒

趁竹筏

采薪樵筏下雲門宛曲山溪抱竹園水底磷磷清見石  
一篙撐破碧秋痕

訪陸雍之山居

五雲谿上路人識謝敷家門對千峰近籬因一澗斜童  
歸收橡栗客至帶煙霞怪道中堂絹雲巒助筆花

雍之善書畫

題倪鴻寶先生園亭

憂樂關天下經營聊一丘林塘多月事樓閣與天謀半  
野塵居地千峰枕席秋東山有芳墅安石舊風流

玉樓怨

四首

玉樓如玉人掃妝弄餘墨畫作雙鴛鴦低頭愁嘿嘿  
樓上摘花枝花枝比人瘦秋容鏡裏知花亦經霜後  
樓前燕已去早鴈猶未來望斷藁砧信一聲秋曉哀  
樓中有長歎時向空牀月啜啜荒雞鳴無人訴愁絕

遊曹山內岩

陰崖鑿出鏡中天下有龍湫百尺淵石壁飛梁虹倒吸

洞門插渚鶴巢巔瓊瓏半綴凌風榭蕩漾時通汎月船  
我欲買山來學道仙家瑤島或相連

題曹山外宕石

鑿山出山骨嶄然峰一柱上有盤陀石不與孤雲去猿  
猱不可攀鳥雀無棲處空中子晉笙乘月驂鸞御

正對題倪鴻寶先生衣雲閣

闐闐門開呼吸聞星辰顆顆綴衣裙當頭欲摘廣寒月  
正面嘗看秦望雲拔地下移旗五丈倚空中駐鶴千羣  
莫言好道樓居日一柱擎天正得君

倪子新招飲水閣

落落開尊略禮文芙蓉池上映微醺山城晚樹初移雨  
水閣秋衣半惹雲客裏歌詩畱贈縞醉中墨妙亂書裙  
年來欲汎山陰棹今夜天南有鴈羣

王玄趾齋集徐世臣沈甸華劉北生呂漢憲張木  
弟潘仲思張季芳章无咎潘獻赤諸子皆從劉  
念臺先生講學至

紫電清霜武庫開名流次第講堂來角排五鹿倡經學  
耳折孫龍失辯才海內寥寥牛耳執座間濟濟鳳毛推

弟兄最是天涯好且向燈前醉菊杯

借劉文可晚步蒹葭園

園在城中  
葭山下

安步信所適愛茲池上園  
滄淪湛秋水藻影涵清源  
疎柳散陂塘蒼葭中沚繁  
斜城橫抱樓衆峰正當軒  
采葑上山路刈禾通里門  
彌聞鳥雀靜時見父老言  
睡鴨隱寒沼耕牛歸晚村  
頗餘郊野趣不着城市喧  
役役城中人勞生一何煩  
我來亦暫爾瞪坐澄心魂  
天涯自搖落日夕多陽暄  
嘉木及冬榮丹楓過秋翻  
安事四方志不如息丘樊  
悠哉信悠哉毋將羈旅論

張墨妙齋夜集諸子時王紫睂王素中王漢章劉

北生偕余狂醉

欲識茂先居石橋蔭嘉木  
水光漾斜陽門館清秋肅  
同人後先至芳氣佩蘭馥  
笑語傾風流詩書盛膏沐  
酒壇鼓再行杯竿列更僕  
令具纛幟張酒兵競追逐  
大敵鯨吞舟小敵虎擇肉  
轟騰河朔飲豪舉高陽續  
倒壺如注雷落瓊似飛鏃  
維余雖小戶焉論石與斛  
主人獨岸幘恂恂異顛旭  
但呼白墮來不數頭巾漉  
山陰多酒家一夜空蘂麩



雪屋二集卷四  
代笠菴爲心函上人題松弟卷

曹水倉問心函臘其師指手植盆松

日先是松一年生因呼松曰弟云

欲問山僧臘還看舊種松根孤將化石鱗長漸成龍借弟寒蒼骨支兄峭瘦容天親總無着一任白雲封

劉念臺先生示道一則

文章國手推籛老道學門風仰念臺夜氣一箴親授我洗心不用更純灰

同張受先先後渡江復遇湖上二首

過江風雪過湖水湖上江邊山數層攜得滿懷春意在

段橋殘酒不能勝

雪廬蕉閣乞裁書箋上新詩又贈余應社風流今半盡

先生談道獨焉如

循湖隄至七山步

宿鴈驚飛葑髮中虎跑滿路汲泉翁綠煙忽遇峰頭雨白浪還掀江面風

登錢塘江上六和塔

江流蕩膚土石壁削屏障上有層浮圖崢嶸勢增王悲風萬里來下與疾翮抗之折富春渚湯湯駛東向矚顧

汪洋海門儼相望奔潮束巨峽怒激波濤壯衣帶可  
繫之何有鴟夷浪引首宋諸陵誰將龍骨葬玉盃出人  
間萬古生悽愴廢寺已荒榛山僧猶梵唱

經玉泉廢寺

深山無人百草腓迴泉噴玉空霏霏饑年寺廢僧四散  
妖虺橫林仙鼠飛下馬山門滿垂薜黃金剝面椎螺髻  
可憐幽竹出頽垣日日迎風猶運篲

岳武穆王墓

湖上孤墳木自圍南枝徒見乳烏飛丹心化水悲金字

白氣衝天冷鐵衣江底葦尸波尚怒地間碧血草猶肥  
何年會飲黃龍府惟向空山痛落暉

于忠肅祠

西陵古木鎖寒煙少保祠堂鄂墓邊腔血到頭終灑地  
元功歸手不貪天深山夜夜飛精衛落日時時哭杜鵑  
不是有人安社稷鑿輿何日是歸年

陸敕先刻詩約有贈

二首

一編家學典刑存吾里談詩海內尊誰奉敦盤爭玷上  
直教旗鼓向中原

雪屋二集卷四  
詩壇鼓吹張吾軍數子風流許出羣老我玄亭曾問字  
已知陸氏有機雲

步月七檜壇

七星旛脚颺琳宮明月中天檜影空夜半步虛來鳳吹  
葉聲齊下石幢風

老檜傳聞道士雷至今森衛集靈臺街頭小柝三更月  
猶帶仙壇風露回

雪屋二集卷五

常熟孫永祚子長著

寶刀篇

甲申

吳剛鑄就歛無價白氣騰空天神下鷓鴣膏瑩水一泓  
黃金鹿盧玉鞞靴壯士提來出匣看清光一道射人寒  
幾迴醉起舞翕霍四座蝟毛摧膽肝隙月斜飛雪霜色  
腥風猶帶沙場血夜入深山狐魅驚晝揮沸水蛟精泣  
切玉成泥毫不畱青虹紫電繞身流三軍閃眼頭盡白  
鏘淬芙蓉太白秋可憐人世讎難量威寶時時鳴欲向

雪屋二集卷五  
古嘯堂  
豫讓空持趙廁中荆軻浪擲秦庭上何如磨厲善刀藏  
養得神鋒銳莫當三尺手中心一片真龍遶日助飛光  
壽范太濛璽卿六十

不從勾漏注丹經翩翩鴻飛自漢廷社稷舊移元化軸  
江湖今見老人星清流月旦猶宗主黃髮衣冠尚典刑  
若遇熙朝訪耆碩玉璜曾釣白雲汀

梁谿顧子方過訪

席門窮巷閉青春忽報扁舟到故人蕉葉有心愁未展  
菜根無味嚼方新悲歌直欲凌燕筑憔悴何妨佩楚紉

酒半揮毫紛灑灑至今意氣薄煙旻

王太訪顧子方舟次

鄂君青翰水之濤向酒花枝稱劇吟別後幾年燕市夢  
午未余談餘一片故人心憂時自草勤王檄報國  
先空結士金盡歎英雄黃馘老春風何事拂牆陰

附顧子方詩

杲

瓶花爛熳故人逢共醉孤舟慰路窮南北愴懷同下  
第干戈興慨一推篷塗泥涵去思漁父長鉞歸來念  
薛公淚濕青衫渾似酒憑將有友傲無功

雪屋二集卷五  
老瞿給諫稼軒先生招同宋爲谿陸孟鳧戈莊樂瞿  
榮于子牧浣溪賞海棠賦謝七首  
老杜於今欲補題海棠特着浣花溪高張錦幕扶煙態  
爛蒸枝燈照露啼春重帶人癡似蜨月斜撩客醉如泥  
迴塘曲曲垂楊外欲覓來時路已迷  
春心費盡媚名園品列神仙袞袞繁新敞迴廊紆月徑  
重移疊石護花根紅雲似捧當年省綠酒初開十日尊  
玉友莫辜梅聘早露華煙色正牽魂

附稼翁和詩

暄風麗景不勝題策杖閑吟日繞溪簾額更番呈巧  
笑枝頭百轉換新啼花窺遠岸飄香霧燕掠當筵墮  
口泥未必來遊人盡醉也緣春到已先迷  
悠悠淥水傍名園綺陌平橋花正繁一片錦茵開步  
障千層桃浪湧山根風來遙浦寒生席月轉迴廊綠  
滿尊一自同人諧勝賞幾回殘夢滯詩魂

和錢爾弢號北詩

崇禎甲申三月十九日闖賊攻陷北京五月日大  
行皇帝皇后哀詔至自畱都爾弢倚上下平三

十韻爲長句望北而號予亦得和如數詞無詮  
次云今存八首

天子離宮望舉烽平安火斷痛重重諸陵  
王氣忽消歇十道軍聲自倒攻豈有盜兵稱獲鹿已聞臣虜號從  
龍梓宮草茝何曾問只道新朝雨露濃

漢家中葉事全非尚有高皇定鼎畿半壁江淮收燼  
合九天日月負龍飛直將淝水功全奏莫把新亭淚但  
揮王業艱難宜戮力橫戈策馬入重圍

莫問圍城募帛書離離宗國歎丘墟朝中鱗甲明謀密

河北荆榛將略疎江左夷吾應有在南陽諸葛竟何如  
不求聞達元吾志生計都將問稼漁

淮北連營接鼓鼙誓師河上勒兵齊增添勝氣風前鶴  
躍起雄心夜半雞韓范誰教氏膽破殷房何用盛名題  
國家司命安危寄直入虞淵挽日西

淪覆中原盡虎豺天南定策繫人懷中興事業依江左  
北伐謀謨渡大淮安石風流需坐鎮允文慷慨借分排  
書生儘有嫺軍旅要使劉錡媿我儕

金甌無復太平春西北烽煙更慘神赤角妖芒纏太白

雪屋二集 卷五  
紫宮宸座暗鈎陳山河不樹降王燾社稷唯餘殉 國  
身 九廟英靈鐘鼓在馬前拜舞是何人

崩圻乾坤最震魂祿山金紫覲顏存讀書不識忠君字  
臨節相將負 國恩富貴僅如巢幕燕身名先似負塗  
豚可憐凝碧池頭曲縱有悲懷豈足論

顛車將伯亦徒勞覆劫難憑國手高拒虎更宜封後戶  
鞞鷹還欲謹前條義旗莫問天西醉縞素應爲 帝北  
號堪笑死生誠大事泰山不重重鴻毛

夏日吳去塵過訪

陋巷經時剝啄休開門一笑未梳頭嬾中俗禮吾何設  
病後清齋客爲畱蕉綠半窗堪謝暑葵黃三徑已生秋  
憂時短策無勞問閒殺牀頭舊蒯緱

送錢宗伯內召 二首

山間嘗得侍春風欣見中興佐命功元氣三台迴斗北  
橫流一柱障川東洛中耆舊唯司馬江左風流有謝公  
當宁已教虛揆席佇看日月再天中

聖祖龍興王氣苞天南再造正殷勞中流風浪同舟濟  
異味鹽梅盡鼎膏戮力豈應騰頰舌洗心猶恐伐皮毛

時艱獨賴旋乾手爲挽虞淵旦旦高

今夜

銀河迢遞隔秋期今夜蟾明照並窺  
冉冉天香飄麝炷冷冷露氣濕蟲絲  
玉衣覆體愁涼逼珠串成行訴夢思  
十二層城自簫管祗應長憶倚樓時

秋日飲殷汝若新居池上

池上芙蓉漸著花野籬疎石類山家  
隔牆雞犬深深巷映戶琴書薄薄紗  
齋近半禪菘晚嫩汝若長齋酒嘗中聖菊  
初芽歎從南北移居後秋月春風幾度賒

秋起詠庭前五花

玉簪

秋曉幾叢白芳萼被幽砌娟娟露初沐  
珠瑩葳蕤蒂昨夜藥峰仙醉遺玉摘  
掃佳人起理妝仙姿媚宮髻窻風  
不動塵香襲羅衣細

秋海棠

翠草蔓綠雲幽花媚階側嫣然破一笑  
妍華信傾國絕世嬌不言一洗鉛粉飾  
華清睡初醒開鏡妬顏色顧此斷腸花  
臨風愁嘿嘿



秋蘭

流風入秋堂  
菲菲芳襲予  
紫英揚綠華  
不落沅澧渚  
紉作美人佩  
騷魂渺何許  
國香誰見收  
晚晚空目語  
傳以商歌音  
一彈有餘楚

芙蓉

搖落未云暮  
覩此雲裳仙  
如臨錦官城  
婀娜秋風妍  
明妝射霞色  
晚醉酣春鮮  
欲采寄遠道  
向夕謝朝嫣  
因之坐歎息  
露落荒池邊

秋葵

亭亭數尺影  
應此金律臧  
紅粉不受汗  
儼如道家妝  
羽裳綠參差  
未褪額上黃  
但得傾丹心  
秋陽亦迴光  
何知商飈動  
猶此鬪羣芳

倪鴻寶先生厥車至吳門敬輓

二首

板蕩乾坤圻  
精忠日月光  
身餘青史壽  
氣化白虹長  
陟降隨先帝  
從容異國殤  
讀書真不負  
畱配古人香  
泰山欽夙望  
死更重於山  
壯節雄千古  
丹心柱兩間  
不爲柴市戮  
寧遜侍中殷  
曳旄吳門過  
風吹一激頑

舟經苕溪

鶯湖西去雪溪濱小槩汀洲弄白蘋日脚輕雲舒鳳尾  
波心細浪蹙魚鱗秋醪香碧新收秫晚膾甘鮮嫩摘蓴  
澤國今年枯見底此中饒愛綠粼粼

茗溪曉發

亭臯木葉下淒淒客子秋風去住迷斜射篷窗五更月  
亂啼茅屋數聲雞行人未曉催舟上殘夢先程到雪西  
未識使君清似水綈袍肯爲故人攜

霜降日觀祭纛

二首

今日迎霜節旌旗耀日紅營中弓抱月纛下角鳴風應

候秋鷹鷲騰裝曉騎雄近聞邊報靜廟算說和戎  
白露爲霜日西郊講武時血牲宜釁鼓竿首欲懸旗子  
弟兵初合將軍令不移但看秋獵罷一旅亦王師

秋過語水與陳建侯陳伯倫飲解蜨齋明府署中

禦兒城上夕雲沉話舊挑燈漏刻深晚菊澹於行李色  
秋醪濃似故人心訟庭啼鳥官清簡鈴閣凝香客滯淫  
風景欲追京國夢那堪雪涕共沾襟

壬午冬同客京師  
今夏值國難

過當湖寓陸狂生北郊

陶門臨一水鄴架足三冬下榻慙孺子操觚讓士龍書

殘仙蠹飽樹賸葉蟲封莫道飛鴻似還畱雪上蹤

甲申小春借王子步西郊感興

天運適中否幽憂未能斷行國聊爾爲西郊來挈伴初  
暎照山椒秋楓已脫幹長窠枝青青女貞子纂纂山窻  
有橫琴迎風苔空窵西爽落几榻南榮向亭館丘中時  
偃息物外寄蕭散昨人鎬京至惻惻談廟算廟算亦何  
爲野人滋煩懣解醒猶以酒救鬪復褻袒狂瀾倒推波  
時夜妄求卯念亂邦何人不如澆大盃尚尋茂叔樂聊  
遂嵇康嬾攜手出山去踏莎歸緩緩順途發浩歌長謠

苦節短幽尋倘未賒心事知者罕

送王喜賡令姚江感事述情四十韻

行行重行行清晨理蘭橈問予何所發來送仙令喬仙  
令已入雲雙鳥飛餘姚滿酌姑蘇酒平渡錢塘潮舜江  
湛清泚明山高岩崑盤根別利器新斲試牛刀琴堂夜  
月靜花縣春風饒况乃世濟美謝樹敷瓊瑤上苑爭騰  
驥天衢並翔翽拔茅旣連茹俯梓亦仰橋癸未與長君  
楚先同榜  
策名金閨彥結綬方升朝一出宰百里一入登羣僚事  
業各奮興門闕斯明昭咄咄全盛事使予中心挑憶昔

始操觚束髮與君交矯首青雲期指心白首要出入共  
舟馬後先奪幟標落唾珠玉生動筆五嶽搖二三好兄  
弟功名反手邀誰知羽參差予獨尾脩脩鬢毛倏已改  
髀肉不復消榆枋起斥鷃一枝寄鷓鴣庭階詎無玉兩  
兩隨風飄不幸閔泉壤幸者凌雲霄此豈人所能窮達  
命所招顧予策前路出亦司李察小草計可就老驥志  
猶驍姓名在春官書劔還秋藦壯心雖未灰何繇聯轡  
鑣看君津吏迎行舫喧笳簫彈冠得毋笑戴笠將安驕  
相逢下相揖車乘連翹翹國步多艱難何人斟元杓勉

哉子爲政章甫來歌謠新製爛畫錦小鮮兆鼎調不見  
三槐第美蔭榮枝條奕葉光寵綏種蘭那得蕭福祿自  
茲大中興佐盱宵他年照史冊餘慶豈一朝功成赤松  
遊訪予北山樵

送朱右服同王明府之姚江

同社風流出處殊河橋又復唱驪駒庾賓依幕分廉俸  
荀令凝香借腹儲知已不妨車後載送人寧笑鬼揶揄  
思君幾度錢塘過江上青山識面無

送瞿稼軒先生擢少京兆二首

陽岡鳴鳳舊雝雝海內猶傳諫草雄日近蓬萊開建業  
塵清輦轂最扶風佇聽舄履星辰上先見旌幢鼓吹中  
河北烽煙方在望廟謨何以固江東  
前身原是老曇仙特擢今符簡在天槐日敷陰榮奕葉  
玉煙生暖映藍田京河亞尹風三輔台袞崇班望獨賢  
戮力中興支一柱小臣目盼太平年

酬錢履之見贈

亂來何處十餘生只合窮交遁此名無用措還資大濟  
不材全更有長鳴燈前舊好誰先逝枕上新詩鎮不平

幾度迴吟仍覆卷中年哀樂倍傷情

和錢履之冬至連雨作寒遣興二首

朝來小雨潤枯田檐雷煙絲斷復連井脈有泉先救渴  
雲光無日自占年九三風候嘉平臘百五日春寒食天  
節序催人待乘興雪中還放剡溪船  
擁褐圍爐小至天凍雲冪冪雨綿綿似將作雪催風信  
不待回陽動地泉短髮豈能隨線長閒心何用借灰然  
只看喜氣盈原野菜麥青青出甫田

除夕

今歲心驚事半非朝隋一任笑斯饑兒童爆竹年來滅  
祖父衣冠昔日威鞭我驥程猶自伏寄人龍種未曾歸  
老妻稚女聊尊酒莫訝蘭缸花藥稀

元旦 弘光改元 乙酉

雲物朝來渾着疑人家猶似太平時溫風海國蒸潮潤  
苦霧江天漏日絲玉座重光初換曆金城四鎮未移師  
只愁棟火尋常見王謝堂前燕不知

呈大家宰徐虞求先生馳驛歸里 二首

嶽立當年一老臣龍興誰爲起司均典刑國表無私志

著蔡朝尊有道身鵷過豈堪來鼠嚇麟儀終不效狙馴

孤蹤莫謂知心少同出同歸只故人 與劉念臺先生兩同休致

江左夷吾鎮物危元規塵起不勝吹斗杓空用斟元氣  
水鏡應嫌照魑魍瀾倒百川鑄柱後叢枯七日借神時  
角巾歸去存吾節戮力中原更望誰

立春前一日舟中 二首

人日飛帆寶帶橋連江雨雪帶寒潮明朝早報東君至  
一夜春風入柳條

宿雨江城暗歲正麥溝到處水流聲推篷欲候春消息

喜鵲喳喳報曉晴

橋里道中盛雪

入春三日便飛花綴葉盈條豔素華  
小市魚鰕荒酒店  
豐年穀玉驗農家  
寒封螺贏蝟蠕戶凍壓丁香蓓蕾芽  
獨有扁舟乘興者吳山越水正天涯

陳梅臣推部署中

鼓節初嚴漏滴頻  
上元燈月夜如銀  
新年便作遠遊客  
積雪應添乍霽春  
怪石供爲冬署友  
老梅香閱宋宮人

署中有芙蓉石與古梅相傳爲宋德壽宮遺物

生平奇觀今宵絕不信仙家更

有真

上元飲陳梅臣署

水衡使者酒如澗  
欄檻清華取次登  
小霽未消前榭雪  
輕寒不入後堂燈  
香魂客裏通梅思  
瘦骨宵來傲石稜  
爲問近時官况好  
一清相映玉壺冰

雪中過春山房我聞上人索題

寒澗流澌雪未消  
千峰當面出層霄  
偶畱泥上飛鴻爪  
小閣商詩酒一瓢

西湖早春二首

探春何太早梅柳年來老雪陷馬蹄深忘却西泠道  
置酒孤山閣來探六一泉雪消泉脈動石罅已涓涓

雪霽遊靈隱天竺

三首

積雪千山曉澄湖十里水宿鴻棲亂荻饑鼠墜疎藤斷  
徑無行客寒巖或遇僧偏餘乘興者兒子入層層

西泠橋斷處北嶺雪深時着屐高平齒支筇短過脊低  
迷荒竹篠偃寒折梅枝何物凌寒好山家獻酒卮  
半旬風雪後三尺寺門前石屋凝冰柱山家冷突煙  
封千歲樹漸入一泓泉奇觀今朝盡湖津已候船

西谿道中

二首

雪後東風澹澹溫鳥啼聲碎見朝暎小橋引入西谿路  
篠徑桑園古岩村  
夾樹繁梅屈鐵枝春風消息尚遲遲看花正及含英好  
爛熳開來已過時

繇西谿入橫山

拂面東風日弄晴雪消春澗有泉聲路紆綠篠回頭失  
谿夾繁梅入眼明洞口胡麻人去杳林間雞犬客來驚  
武陵原在橫山內生長兒孫不識兵



探永興寺綠萼梅偕陳梅臣水部 二首

齋閣官梅宋壽宮虬枝千歲古香叢永興萼綠雙株樹

也說風流祭酒公

傳為馮開之先生手植

含香團粉寺樓齊樓上花枝壓酒低却喜能詩何水部

春來先一到西谿

偕陳梅臣畱宿江邦玉橫山艸堂題贈 三首

萬个脩篁一徑通迴廊復閣隱簾櫳丹雞飛去啼雲外  
玄豹眠來養霧中澗谷餘寒春尚淺余杉落響梵俱空  
買山何日能移此許我鄰園半畝宮

幽構懸崖履道居煙霞風骨夢蘧蘧采芝斲朮千年藥  
對酒焚香萬卷書層嶺覆檐屏繞後大江當閣帶縈初  
與君漸上開奇觀雲外仙人欲擊祛  
為訪高人此破苔却煩廚供艸堂開月移碧巘浮煙起  
雪化紅泉噴石來一宿定知更世代重遊何處覓樓臺  
當年洞口桃花水記換西谿萬樹梅

江氏擁書樓

宵來空夢境欄雪曉淙淙樓照海中日林浮山外江巡  
花馴野鹿守竹臥春庵豈有胡麻引居然罨畫窻

橫山晚歸自朱橋江岸  
度嶺穿林萬竹園豁然洞口見平原梅花落落非前路  
桑柘依依又一村溪湧歸雲迷澗屋濤迴落日見江門  
從今更覓橫山去鶴唳猿啼何處捫

晚過雲棲

江瀾不起暮生煙忽入千峰落照邊尚有巉刀畱伏虎  
至今聖水現池蓮六時禪誦嚴僧律九品功圓濟法船  
豎起竺西真實義不將魔外混師傳

雲棲有寶刀  
巉聖義泉

禮蓮池大師塔

五雲谷裏時時現萬法山中一一齊示滅祇今畱宰堵  
直將東土入天西

竹閣社賦得燈市蚤投瓊

災肯殘年過繁華舊俗忙吳臺多好事燈市又相將節  
物先迎喜遊觀競賽妝及春簫鼓鬧過臘市城狂剪縷  
傳心巧珍奇入眼芳魚龍看百戲珠玉照千行五木呼  
盧局明瓊占采場何人偏得勝是處劇行觴未夜鈿塵  
滿東風慢綵颺車中人似月橋外地如霜寶曆新年號  
香街樂事荒願賡文穆句長祝太平鄉

香林兩朝忠烈祠文獻公是賦太平樂  
天地有薄蝕日月恒貞明丈夫七尺軀豈以求苟生生  
爲河嶽鍾死作山川精討賊志不遂殺身仁可成龍比  
從地下况此當代英忠魂一堂上流虹射其薨空山白  
日暮于岳相逢迎吁嗟國元氣斯人畱烈名行止復仰  
止我以薦芳蘅一水橫西湖千秋流潔清

六橋春眺

錢塘江岸煙山曉十里澄湖接芳艸香塵不斷數遊踪  
盡說西冷橋畔好浩蕩東風吹綠蕪鶯鶯燕燕未成呼

殘梅飛雪放孤鶴新柳弄煙啼乳鳥春思紛紛着春樹  
游絲百丈牽花路木蘭舟汎白公隄油壁車來蘇小墓  
萬井人家桃李村江南春好冶遊喧關西河北同天地  
極目山川空斷魂

見燕

昨夜東風滿四郊差池對對擲林梢花深小院簾初捲  
柳漫荒池剪乍交春社已過新刷羽人家猶覓舊營巢  
憑將午夢烏衣國又被南窗竹數敲

東風葛無數山齋同懶先夢父兩上人飲梅下

東風吹雪後，花信滿春江。處士先招鶴，詩僧漫折幢。繁  
雲低小閣，香霧宿前窗。欲索枝頭笑，閒愁仗酒降。

送王蘭陔刺史金華

風流太守蚤，蜚聲奕奕朱旗葵。女城燕寢凝香唯，臥治  
春郊駐馬已銷兵。蒼龍東下頒符至，白鹿前來夾轂行。  
曾讀昔年循吏傳，漢廷不獨有王成。

題門人朱雲章蘭卷

離離楚臯思，遺媚託幽岫。孤幹凌歲寒，紫蕤發春候。吾  
子服其芳，流馥筆端逗。灑墨露含滋，弄姿風濯秀。寫以

贈何人，卷懷空在袖。但見蕭艾盈，還傷薺麥茂。紉作靈  
均佩，曲傳尼父奏。猗猗采國香，晚晚悲時後。蕩哉秉簡  
遊美人，方邂逅。

酒間贈歌姬

昨夜箜篌孃來彈，陌上桑今日琵琶女。來歌渭城雨，雨  
絲濛濛濕楊柳。翻手嘈嘈勸郎酒，陌上東風吹落花。桑  
中不似羅敷家，低鬟更進黃金杓。濕粉餘香沾素幕，調  
笑闌干傾百杯。玉樓帶脫玉山頽。

與海寧朱近脩梁谿顧脩遠飲孝若樓船觀妓

沉沉仙舟役垂楊綠正勻喜逢聞耳士新識埽眉人山  
色方亭午風光已暮春停橈一登望遊騎起花塵

馬援日馬

不見齒士不聞耳何足貴乎

春暮遊天潭邃谷懷曼倩子建俱逝泫然有作

春徑策微步龍葱竹樹稠洞門杳然入寂歷澗谷幽在  
澗餘考槃飛花隨水流斯人不可作白雲長悠悠高窾  
起微風聲響如可求落日下山去回首空林丘

送瞿中丞稼軒先生巡撫粵西

二首

車書風播粵西天特詔名臣出鎮邊徼外蠻酋焚水

寨山中洞主負橐鞬牙旗自繞龍川出幕府遙開象郡  
連爲問伏波功蹟舊漢家銅柱至今傳

保釐神甸輦塵清又見威風百粵行灘水安流銷日羽  
桂林負險事春耕玉簪羅帶朝迎騎虎節龍符暮駐旌  
蚤晚中朝需柱石台星只在五雲明

初夏薄遠之村居

茅堂楚楚傍漁沙萬綠來分窻上紗懷古不芟書帶草  
樂飢應笑米囊花雨餘婦出牀頭酒煙起僮烹芥後茶  
莫向城闈問時事桃源中有避秦家

悲廣陵

四首

曳落河多羯鼓高軍聲沸似廣陵濤賀蘭塔上徒遺矢  
不遣援兵夜渡濠萬絲來合欲上

孤城力盡淚填懷報國徒擽七尺骸一道忠魂飛入昂

至今生氣滿江淮

閣部史可法死之

國殤提戟走陰風十萬平民彗掃空二十四橋歌吹處

夜深苦霧鬼燈紅

蕃馬千羣邗水溝一時腥血濺揚州空城猶自懸明月

不照人煙照鬪

書五月初十日事

二首

國是紛紛痛莫論銅駝又見棘叢翻穴中屢鬪犬窺戶

堂上羣嬉狼進門熒惑斗南方見象華林夜半已開園

如何江左龍興地頓使炎精日月昏

見說頽王豈克家補天無復有神媧翟泉地陷飛蒼鳥

芒碭雲埋亘白蛇秦璽宮中投御井楚歌帳外起胡笳

不知匹馬歸何處自此臺城有暮鴉

酬贈嚴仲木避亂湖南別業次韻

四首

世上今爲晉村中尚記秦詎知離亂代猶有太平民蔬

荀園嘗滿魚鰕市未貧良苗風動處詩卷日應新  
湖光浮遠天林色鎖深煙涼簟安池上輕舟繫柳邊灌  
畦老圃業卜宅小山緣莫問人間曆農家自歲年  
高臥北窗風無勞車馬通竹深飄落粉荷亂浥殘紅雨  
沒遙空鳥雷收斷渚虹親知猶可賴何必問途窮  
雲水自深深長謠復短吟但看天地闊無問海山沉漁  
牧依人事耕桑戀主心相從墟里過向子覓知音

絕句一首

犬尻羊膝朝中客狗盜雞鳴海外臣三百年來涵養出

更無洛下一頑民

夜坐

海上傳烽徹戍樓長江已隔往來舟夜涼猶向中庭浴  
臥看天星四散流

賦得桃李無言

二首

金谷年年樹穠華向洛園剪霞千葉密團雪萬枝繁靜  
領春風意潛消月夜魂成谿爭欲往流水竟何言豔發  
天池榦光生露井根無私恩大造不負在公門  
天上移仙種人間散玉衡斜臨金谷水穠照洛陽城不

詡盈盈態唯含脈脈情春藏絲障暖晝寂葦綃輕巧笑  
風吹就妝啼露浥成東工何限意聲響任流鶯

酬馮定遠見贈次韻

花谿同分在無復少年人酒琰從流水牀書有積塵笑  
啼應滅舊詩翰轉懷新未識今茲隱牆東可結鄰

夜思

夜涼河皎皎千里見飛埃傍海邊烽合孤城戍角催吳  
雲吹欲墮漢月照還來只有關山涕能忘庾信哀

閏六月望月食既

腥風着月生翳黑古銅銷光土花蝕始如破臼繼搯爪  
斗北妖星芒角赤方諸射水暗不融珠母夜失魚腦空  
萬古太陰魄忽死神烏夜語金井桐山河影裂天夢夢  
桂宮神斧妖墓弄愁殺人間蟣虱臣城上鼓聲連地動

乙酉七月十一日嚴仲木挈舟載歸草蕩村莊畱

連信宿而北兵突薄城下因宿仲木草堂者七  
夕城郭已改人民半非嗟兵燹之一空幸餘生  
之猶在偶紀連宵如隔異世得若干首

十一夜偕仲木汎月草蕩



雪屋二集卷五  
船頭涼月天在水樹影離離倒水底青荻銜花蓮墮子  
棹歌送酒鷓鴣起今夕何夕身在此飛礮遙聞無百里  
被酒還悲行路難生涯擬託煙波裏歸來夜宿草堂空  
驚魂噩夢何冲冲起開竹牖望城闕露氣滴池橫落月  
十二夜飲毛子晉齋次晨聞警

拏舟空碧南湖曲樹密溪迴飛屬玉湖上主人艸角交  
斫蟹烹鳧醉靈醪此中人說桃花源警報何因夜相續  
中庭月暈圍重珥星竇還飛太白裏座有能占識兵氣  
一縷秋河隱天矢曙光乍開搓眼開城下火光亘天起

十三日北兵薄城下

煙塵騰騰起西北赤雲壓城如墨黑身在東湖望家國  
村莊兒女無人色主兵者誰敵不知戈船帕首空河滑  
城中望援眼簸箕駁輪突陣縱橫馳遙向來舟望來信  
只聽轟雷地猶震市聲鼎沸鼓聲死火焚巢車箭如雨  
十四日大風雨城陷

怪風驅雨雲壓營天愁地泣聞戰聲礮摧箭塚騎飛度  
城巷居民尸塞路官軍曳踵紛紛逃爭門亂斫如刈蒿  
胡兒躍馬東西驚血洗弓刀溝水注迴首家園空叱呼

濕烽不起山模糊此身抖搜草堂宿中夜鴉鷗叫貼屋  
十五日中元節人家廢祀  
夜來風雨如戰鬪枕上驚魂破屋走起看太白纏妖氛  
西北斷虹連缺堠城中敗鼓聲不聞斫人如麻玉石焚  
血腥流漬言游井齒幣高齊虞仲墳今日中元拔生死  
紛紛亂殺應何以人家離散濕雲重空巷紙錢煙不起  
河濱逃者指空腹何況烝嘗薦蘋蓼月微陰燐未分明  
故鬼號飢新鬼哭

十六夜對酒愴懷

蓮塘漠漠蘆颼颼仰看明月中天流月光薄雲照何處  
胡人歡樂南人愁吾友村居屋茅葺世上滄桑換城邑  
蕭蕭短髮不堪拾野外孤臣飲聲泣

十七日聞北兵去城已二日矣

水鳥作聲叫屋屋簾外西風吹脫木并來枕上作餘驚  
短劍無光弓在箠起看箭闕飛有烏啞啞啄肉連羣呼  
一聲胡哨唱拍去滿船子女牛羊驅陰風蝕月蠻雲黑  
碧火吹巢歸不得青笠緣蓑借君里一葉雲槎釣秋水

題晞髮集後

宋國江山葬魚肚嶺外孤臣謝臯羽有時擊碎竹如意  
山澤章皇淚如雨海上潮生雨連越秋槎濕劍歸何所  
句即眼看南雲消戰氛隻身天地悲無羣子陵釣臺湛  
江水方干隱村屯白雲葬此爲文擬弔田橫客作詩  
須和陶徵君晞髮一編手持讀讀罷高歌歌罷哭問予  
痛哭亦何爲昨夜瞻烏止誰屋



聖